



清刻龍藏佛説法變相圖

卷三 法語 東聖萬壽禪寺語録 杭州徑山與聖萬壽禪寺語録 卷四

杭州中天竺萬壽禪寺語録湖州翔鳳山資福禪寺語録

龍

於師幾三傳耳着年尊行不復他見且徑 契證特深過予山中出師四會語録以相 **歸然靈光環視四海一時未或有能出其右** 者矣山之第一座正印本蒙古人久親棒喝 因 明舉揚宗風曾不少解飽多宿學無不歸之 道場麥學衆多辩話證據不能無所言說門 徑山元叟端禪 古尊宿出世為人舉目動容莫非開 一坐二十餘年四衆安隱年垂九十耳聰目 無所逃於人天之衆矣是以識者有慨慕古 人之意馬徑山老人端公元叟以威 單凋零舊規渐泯强辭之流撥拾文具則亦 人弟子竊録而藏之以相傳示其來尚矣前 相 與數曰大慧晚得佛照經二百年而 徽 居 師語錄序 士 虞 示坐大 (徳令聞 撰. 示

持重風霆不驚握機行令舒卷由已猶足使 韻猶有如此者矣譬諸名藩鎮以宿將隱然 於關要隱而不發以待其人大慧之流風 春雷發聲昆蟲振作長風被坂草木欣祭 平印且日此其正可以序者也乃喜為之言 曰偏見常識殆不足以鎮壓兹山今師之言 於徑山仰其崖峻而 濱於眞淨松寫於應庵皆有往來之舊是以 窗錢公序之徑山之言公得無情乎予 曰類 也印曰昔真淨語額濱蘇公序之應庵語松 言無愧辭集之顯蒙固陋何足以望二公然 經營勞瘁所不免未有如師之坦然泊然者 波瀾汪洋門庭恢拓廣說暴說 自宋 之催七年無準居 南 渡 W 來地望最 十八年然 以莫之即為數敢為序 重 以大慧前 以道處逆為 莫不好偉如 後 兩 順 居

之旹至正元年三月十三日序大用提臨濟正印續佛慧命者乎因書以遺方城連戍有所仰放而不敢違越况師大機

重刻元吳端禪師四會語題辭

為銘其塔蜀郡虞文靖公為序其四會語二級服和尚元奧端公既示寂金華黄文獻公

道之所存竊懼不傳子梗三人者已協力命判所録先師語不幸燉于兵然非此無以見涼子梗金山慧明天寧祖闡復合辭請曰舊公以文辭名天下亦云備矣其入室弟子清公以文辭名天下亦云備矣其入室弟子清

原併識之序中濂不敢辭稽子楩等言公平以示入道之士亦足以起其正信初何傷乎而不書神異之事大乘者固所不樂聞苟録而不書神異之事大乘者固所不樂聞苟録印生重雕之矣敢重以首簡請為序雖然序

啓視之設利累累然生矣公之遺事有若 也公將示滅所剪爪髮留極化城幻有庵建 騰空而去虎巖師主雙徑時嘗言道家者流 從南屏歸化城受經夏夕路窗而卧 問細故舍大法不發一言東性堅疑確乎不 食食公數凡十叉八公主法席實十八春秋 僧飛錫而來與談般若樞要亹亹不絕未幾 可拔自為大僧至 記來矣噤點如無人賓友相從未當與談人 所過之處眾方謹謹如雷聞履聲輒曰端 孤松坐則挺峙行 頂古貌眼光爍人頷下數髯碟 有上章揭帝者其還甚遲因叩之答云為選 符其數公朝京師夢徑山潭龍君持金匙舉 徑山四十八代住持故天閣久不開爾公正 化滅無一夕脫衣 不旋顧英風逼人凜如也 立凛然雪後 2 而寢其 梵

洪武七年冬十月朔翰林侍講學士中順大 祖闡字仲猷皆設化一方黑白咸飯仰云假濂文以傳之哉子楩字用堂慧明字性原 其緒論重申之如此嗚呼公之四會語其尚 又執弟子之役於文獻之門者最久於是勸 何敢復贊一辭頗念文靖之學粗聞而知之 連戍有所仰放不敢踰越其言誠不誣哉濂 風霆不驚握機行令舒卷自由足以使方城 金華宋濂序 天文靖所謂譬諸名藩鎮以宿將隱然持重 所謂門庭之盛規重矩叠法雷普震裂地轟 之至亦出自然非苟涉於神怪者比也文獻 佛祖名震華夏誠堪與問氣之所鍾其祥應 者皆宜補書以見於世不可暑也盖公道契 闡字仲猷皆設化一方黑白咸飯仰云 知制語同修 國史東 太子賢善大夫

急文正辨佛日普照元叟端禪師語録卷第 嗣 法 法 艑

住湖 州 路 剕 鳳 بلر 資福 禪寺

室受請九月十 師於大德 四 年 日入院指 八月二十八日徑 ہلر 無盡 山 寺 藏神 楞伽

通門無 <u>| 盡 藏解 脱</u>| FF 今日 向 者 門裏五云 八字 打 開

蝦蟇跳上梵天 軝 明幕 過東海

吾家種草島 據室拈拄杖掣開金殿 佛殿玉毫徧 照十方金色普輝千界便禮 髙峯頂立深深 鎖撞 海底 動玉 行 樓 鐘 Вþ 不是 非 拜

分祉 僧師子兒吒沙地學吼一聲壁立千仞

腦 後 、猶欠一 椎靠 拄 杖 便 起

院 疏此 是宣政諸官當 固 所 付 謂之金 剛

秘

客三 檀 越 眜 疏 魔外以 孤峯頂 之殄除 上天 不 正宗 夘 地 不管因甚被者 以之 光 顯

> 箇 勾 引出來過去 阿 僧 祇 劫 與 合 府豪俊同

修無上 佛 果菩提

界無一人不大坐其中兹者特地高 指法座此普光明華藏師子之座盡 十方世 升正 是

畫地添足

拈香此香蟠根錯節在威音王佛 受地獄若終不 聯芳居迦文世尊之上熱向寶爐端 叟和尚一生不肯四天下人縱 拈香云大慧師 **厳陛下恭願統百億香水海為一福海永永** 大元世界主當今皇帝聖躬萬歲萬歲萬 達磨大師到來也須 侍者寮两年弄盡機關做 無窮聚百億須彌山為一 將佛 袓 道寧以 法當 退身有分 入情徑 虚传 此 壽山巍巍 身代大地衆 饒 俩 بلر 直是没 僧音年在 山 釋迎老子 とく 先師 不動次 前 為 舰 續 藏 生 延

三六

能

倮 萬 養它 羣 僧 蓮 泊 不 人 風 句 則 何 走 它處 萬 機 雙徑 是 鼈咬 出 賄 赤 則 不 出 生 且 逢 節 類 <u>.</u>-Ŀ 鳴 問 頻 也 出 句 出 洒 赴 時 皆承 如 釣 條 因縁 朝 要 所 洒 刐 云 出 魚竿僧 宗 大 **崢嶸象駕下龍淵** 出 何 雨 獨 如文 VX 便 則) 如 此思力 家 知 是 為 脫 刻 底 且 似 何 不 不 持 證 其為大慧適 休 人意旨 無 為 為 破 人 句 師云耳朶兩片皮僧云離 糞作 說 依底麼出來共 **蟊榖量大海** 塊 韴 人 明 둧 底 興化 僧 師 云 為 願 垂 聞 云三 눞 語 句 栴 人 知 如 師 僧 不 何 檀 知 和 云 聖 向 判, 拈 孫 恩者少僧 香 爲 云 師 尚 ઝ 今有 奉一 视 水 切 逢 道 和 人 云 堯天 莫有 機 雞 則 我 僧 尚 山中坐寶 相 證 句 則 逢 道 炷 街 出 云 且 則 人 師云 淨倮 香 天 我 燈酸 據 干 云 止 不 則 千 供 逢 機 出 有 女只

> 師云 少口 虎 徑 則人人知有未審新鳳山今日說甚麼法 何 嘯風 後 干峯氣象雄僧云 師 如 云 生 何 師 師 徑 云開言長語僧 云牙齒 松 杉老 具 僧 天垂寶蓋 八骨僧云 立 到 云 未 鳳 龍吟 地 到 山 湧 後 鳯 金蓮 霧 山 如 起 時 何

順監 宣 各 云有 羣 荷 地 莫 句作 政 灰起 生 草 將 メメ 院本 疏 生說 木叢 鶴 去不 心用 拂 開 說對師云錯了也僧云行中書省行言子云說者箇法僧云我此九部法隨 麽 語 툣 演 處還\* 生 路 林畫 誤 敦 可 請 作 道 僧 說 Ł 一微妙 鷺啼 夜常 應錯 不 師 俗 和 諸 可 云 尚 無意求 官諸 說 解 作 樂 僧 \_\_\_ 鎭 師 禮 微 烿 兩 法 子 曹 兹 塵 拜 ìЦ 宿 滋 數 門 吼 師 聤 山 ,聲音為 德諸 於 乃云 三草二木 且 劫 却も 應縁 宛 斯 とく 若 大檀 至 然 Щ 也 天 利 如 河 師 越 物 僧 擔 六

常侍堅請那隱綱宗時有僧出云師唱誰家 稱揚大事沒你開 曲宗風嗣阿誰濟云我在黄檗處三度發問 王常侍請 三度被打僧擬議濟便喝復打云不可向 臨濟老師謂無綱宗可隱孤負常侍府主總 空中釘橛去也師云常侍不忘付囑爲法求 綱宗可隱無綱宗可隱謂有 不與麼者僧因甚被打拈拄杖畫一畫云石 人臨濟大樹一株陰涼天下敢問大衆是有 臨濟開堂升座云若約祖宗 口處沒你措足處此 綱宗可隱埋沒 日

同地在僧同僧在俗同俗在當今聖天子則

以本自在大願力示現克紹金輪寶位百億

至中華傳此上乘一心之法在天同天在

地

畫去也豎拂子云菩提達磨從南天竺|國來

或情存限量墮在見聞不免向虚空重加彩

若佛若魔若聖若凡一一無差

明 7

其

牛欄古路一馬生三寅

擒為縱為卷為舒為金剛寶懂為摩醯正眼宿德則以本自在大願力明大機顧大用為

别干差皆與實相不相違指在風山新長老

在法庭諸淨信等則各以宿昔所種善根萬

畢竟如何擊拂子切忌鑽龜打產復舉府主

武為文為王室股肱為生民父母在合郡諸

在大願力各樹大功各成大業為忠為考為

稟威靈咸歸化育在合朝諸勲貴則以本自

須彌盧百億香水海日月所照風雨所至悉

善根淺薄被色换了被聲換了被香味觸法 句身悉皆如是只為你無量劫來惡業濃厚 道我是色聲不曾道我是聲香味觸法名身 小参世出世間一切諸法本無虚實色不曾

能

三六三

乱

> 錯認定盤星 對記定盤星 對記定盤星 對是擔糞漢等妙二覺是破戒兄夫菩提涅察是整鹽橛十二分教是鬼神簿四果三賢 學是擔糞漢等妙二覺是破戒兄夫菩提涅 學是擔糞漢等妙二覺是破戒兄夫菩提涅 學是整鹽橛十二分教是鬼神簿四果三賢 學是整鹽橛十二分教是鬼神簿四果三賢 對是擔糞漢等妙二覺是破戒兄夫菩提涅 對記定盤星

非深信堅固安能透頂透底如此中原藏主無纖塵不是自家財實師云馬師一期與麽開終身不忘得大受用尚不假外求從此一時休去乃至盡十方世界不假外求從此一時休去乃至盡十方世界上堂謝寶中原藏主舉大珠和尚云貧道闡

器貯於不淨不是心不是佛不是物鄭州出

上堂即心即佛蜜果换苦葫蘆非心非佛寶

堅固得大受用者麼此日特承光降幸望欵昔年於古鄮山中顯示此箇法門還有深信

留

竟與甚麽作聖道擊拂子姹女已歸霄漢去是開雜事菩提涅槃真如解脫是開雜事畢俱為生死因著衣喫飯是開雜事觀山翫水上堂雜髮著袈裟宜應行聖道自餘開雜事

一粒生只者一粒從甚處生干燈萬燈從一元宵上堂并謝監牧浴主維那干粒萬粒從

**獃郎猶向火邊蹲** 

三脚驢子弄蹄行踏破無邊香水海拈拄杖燈燈燈不疑識得一粒千粒萬粒粒粒無礙燈起只者一燈從甚處起識得一燈千燈萬

上堂今朝三月初一一春之事将畢菜麥青

卓一卓頂門也少者一槌不得

何曾走失可憐懵懂癡流剛自啾啾唧唧下黄滿川四野和風襲襲歷劫直至如今絲毫

座

行者坐斷人舌頭底句直下如大火聚近之為聚淨人下火不是風動不是幡動此是盧

則燎却面門

带煙掘野茶和露烹磐陀石上坐長嘯時一道舊至上堂青山白雲裏客來無可迎草藥

聲擊拂子下座

朝廷看藏經滿散上堂毘盧藏中有大經卷

知一一塵中有如是經卷一一經卷有如是經卷在一微塵中敦遣使臣頒降御香命天事悉盡無餘今上皇帝以清淨天眼觀此大事悉盡無餘今上皇帝以清淨天眼觀此大

三六五

.

龍

龍

萬邦入貢一句作麼生道但見皇風成一片 真如實際莊嚴無上佛果菩提四方銷兵革 之憂萬民樂耕桑之業正與麼時八表來朝 種因果德相海種種進修行願海種種教導 若表鐵上項功德所有種種法門智慧海種 滿散之次仍命山僧升于此座舉揚無上般 是奇特如是殊勝如是廣大如是自在今朝 不可說不可說種種功德光明海普用回 章句一一章句有如是妙義一一妙義有如 方便海種種依正究竟海種種互融攝入海 向

不知何處是封疆

角驀拈拄杖畫一畫云一夜落華雨滿城流 上堂心不是佛兔馬有角智不是道牛羊無

浴佛上堂指天指地稱第一胞胎曾出向今

閻羅大王不怕多語 會取好豈不見古人云參須實珍悟須實悟 詐偽妄想記憶中來臘月三十日一點也用 聖得一肚皮口裏說得一堆一擔也只虚頭 不著何如直下無事向自己衣單下密客體 常向此娑婆界上覓箇甚麽物作依倚憑仗 求設有求得學得底試拈出一絲頭看直鏡 示家兄弟此箇夢幻毅子一呼吸間便歸無 朝雲門打殺與狗與絢鳳山僧惡水澆 有什麼佛法禪道可學有甚麼玄解義路可

其當顯示護生須是殺殺盡始安居會得箇 口親曾付囑二千二百五十年後比丘行端 結夏上堂二千二百五十年前光明藏中金

中意鐵船水上浮

上堂舉僧問風穴如何是佛穴云杖林山下

上堂謝首座維那金槌未動以前大地山河

當在何處

是蘇僧云直得不往不來時如何泉云亦是 摩尼珠被者僧摵碎了也山僧不惜眉毛露 親牧得如何是藏泉云王老師與汝往來者 不會我語師云南泉雖一時縱奪可觀爭奈藏僧云如何是珠泉召僧僧應諾泉云去汝 箇消息也要諸方檢責拈拄杖即今還有問 人以柏周人以栗家住海門東黄唇候日出 上堂舉僧問南泉摩尼珠人不識如來藏裏 百雜碎玉塵未揮之際森羅萬象盡交參殷

举與我同條生不與我同條死且作麼生臨 ★1

爲別谷和尚入祖堂白雲作叢林紀綱以達

磨居中開山居左百丈居右天下依而行之

終毫無有紊亂別谷和尚在茲山爲二十六

朕碪井底種林檎今年桃李貴一顆直

干金

竹筋鞭

師頌云杖林山下竹筋鞭疑殺禪

和

萬萬千唯有首山提得起新婦騎驢阿家牽

白萬句流通拈向一邊飲一味則干味百味

具足置之一壁雪峯低頭歸庵巖頭聞云雪

上堂謝夏齊東拂雪峯和尚云演一句則千

話者麽

代涓以此

日居于此堂晨香夕燈其永無替

為此上座下火此虚妄身若無六塵則不能

有火裹蜘蟟吞却山河大地了也今者妄身

解夏上堂四月十五日結拈拄杖左卓一卓 +三 杖右卓一卓諸方向者裏休夏自恣空劫前 諸方向者裹禁足安居七月十五日解拈拄 無佛名無衆生名結又結箇甚麼解又解箇 甚麽靠拄杖便下座

乱

札

入貢只如林下道人共樂昇平同歸化育一數千葉周市一人端拱無為八表來朝萬那聖節啓建上堂一佛出現干佛讚揚一華開舉鐵網高懸者應笑禹山祇直鈎上堂月湛雲澄覺海秋魚龍蝦蟹任沈浮千

林丘磐陀一片石松下聊優游廻鸞五色詔闕謝恩罷上堂說偈云平生抱愚拙必意安大德七年八月二日護持聖古到山領衆望

句如何舉唱下座就大佛實殿啓建天壽聖

水常東流秋四海銷戈矛竺僊正法跟如為堯舜願臣為伊周金枝與玉葉光耀千千瞥爾來巖幽天恩浹肌骨淺薄將何酬願君

示衆從古至今人多錯認還有一法遮障得

上堂拈拄杖云有物先天地無形本寂寥能

下手却是生鐵兩湖春寒秋熱觀世音菩薩將錢買胡餅放就鳳山只箇盆剛王百怪千妖俱殄滅江南說鳳山只箇盆剛王百怪千妖俱殄滅江南端午上堂五月五日端午節艾虎桃符總休

入你鼻孔去也

開爐上堂舉雪奉云三世諸佛向大欲上轉

大法輪雲門云火錢為三世諸佛說法三世

諸佛立地聽應庵云三世諸佛爲火燄說法

火燄燒殺三世諸佛師云三大老一人鼻孔

遼天一人眼睛突出一人脚跟不點地諸人

頭大有雪霜在 若也揀辨得出鳳山今日開爐其或未然前

上堂舉世等一日以完羅綿手舉金色波羅

正法眼藏涅槃妙心付屬於汝師云一盲引 華普示大東時迎葉破顏微笑世尊云吾有

示眾日月逝矣歲不我與他俗人家尚乃說 到者裏人身難得佛法難逢我沙門釋子合

東盲相牵入火坑

到六祖當時也只恁麽道六祖云何不體取 無生了無速乎永嘉云體本無生了本無速 雪山脚跟下好與三十夜半見明星脚跟下 作麽生如今兄弟幾入門便道生死事大無 常迅速口裏說得分明肚裏全不理會永嘉 臘入上堂未到雪山脚跟下好與三十旣到 者裏須是箇人始得若乃颟預佛性能何真 如閻羅老子索汝飯錢有日在莫言不道

分何也有功者賞

好與三十更有三十山僧自與釋迎老子無

上堂一年十二月一日十二時年與月相逐 之臨渴乃掘井掘之徒爾為 上堂舉德山一日飯遲自掌盔至法堂上雪 捷疾鬼頃刻不暫違分玄諸上人早早當知 日與時相隨人間年月盡地府來勾追無常

絃

乱

举見云這老漢鐘未鳴鼓未響托益

一向甚麽

縅

衆且道請訛在甚麼處猴愁摟搜頭狗走抖殊解用不解採以致盡大地人病在膏肓大

掛口

不容更分說東包登前途聊與聚人別千歲英無胡為天竺峯而乃付愚拙官差逼殺人是公道開分條遇明哲拯弊除貪婪蔥賢選及四年八箇月打鼓弄猢猻日夜不知歇朝受杭州路中天竺寺請別衆上堂我昔來禺何用好肉剜瘡便下座

烹祖乾旋坤轉兮非可測量電激廢馳兮豈

容通吐韓猛逐塊空一時俊鵑摩霄自干古

雖然如此只得三年師頌云大冶洪爐烹佛

且喜得老漢會未後句他後天下人不奈何

堂與尋常不同嚴頭到僧堂前撫掌大笑云

爾不肯老僧那麼頭家啓其意山至來日上

不會末後句山聞今侍者與嚴頭至方大問

處去德山便回奉舉似嚴頭頭云大小德山

指法座從上老秃奴向者裹轟青天霹靂鼓重重無盡樓閣門只此一門而入喝一喝師於大德九年五月十六日入院指山門云住杭州路中天竺萬壽禪寺語録權巖跳上天六月火雲飛瑞雪

○ 大大学○ 大学○ 大学</l

**麽出來證據問答不錄師乃云豁開正眼千** 

差路絕淨倮倮包含萬有赤酒洒融攝十虚

角於石女腰邊亦非好手莫有總不與麼者

垂語云刮龜毛於鐵牛背上未是作家截免

臨濟直下第十五世藏叟大和尚一爐藝却

師一時現前也只瞻仰有分奉為前住徑山

瞎耳孽誇之則口啞舌秃三世諸佛六代祖

平地波濤新長老別資一路去也縣步云一 離相離名非語言可造透聲透色非寂黑可愛

通不是心不是佛不是物天地以之覆載日 月以之照臨諸佛以之出世祖師以之西來

之致君澤民千歲實掌以之悟明心地成大 世主今上皇帝以之垂衣御極合朝勛貴以

**藝向寶爐端為祝延大元世界主當今皇帝** 

聖躬萬歲萬歲萬萬歲陛下恭願自西自東

自南自北咸歸有截之區乃聖乃神乃武乃

文永享無疆之祚次拈香云此香讚之則眼

彌堅均伯禹數土大功涅而不緇磨而不磷

升座指香蘊盤古開天正氣仰之彌高錢之

二三四五

吾道重與日枯木華開別是春端上座以之 道場提本分鉗鎚碎聖尺窠臼便乃道他年

畢竟功歸何所九天雲盡處紅日上龍樓 木鶴唳長空白叟黄童咸歌至化當此之時

克紹芳献遠離鳳山竟登驚領通得後吟古

樂等名從淨法中得貪瞋爱取等名從穢法 小参一切諸法本無自性亦無生性菩提涅 無三藏五來十二分種種名言種種句義總 不出此箇元由所以古聖有言若心相所思 中得淨穢兩邊俱莫依怙但有空名名字亦

三七一

龍

能

分種種名言種種句義靡不練磨靡不究竟 了時諸法空南山昨夜日卓午白領咬殺焦 佳山水師亦說偈云參禪只要了心地心地 寶掌和尚年一千七十二歲三藏五乘十二 滿此是諦實之說若以爲實大錯了也開山 諸法如人取聲安置篋中又如吹網欲令氣 梁城遇導師參禪了心地飄飄二制游更盡 法不是容易直須仔細復舉寶掌和尚偈云 後於梁武城中得過缺齒老胡方乃頓明大 出生諸法虚假皆不實心尚無有云何出生

澹泞出没太虚之中 世間相常住青蘿夤緣且上寒松之頂白雲 上堂再留兩序十五日以前如龍得水十五 以後似虎靠山正當十五日是法住法位

> 元日上堂昨日與今朝作新歲今朝與昨日 作舊年且如何是物不遷義擊拂子鎖上寒 梅鏡破雪城邊楊柳已舍煙

展去良久云海枯終見底人死不知心 不退坐在臨濟德山鼻尖上且作麽生得平 神山是山水是水僧是僧俗是俗大盡三十 上堂道遠乎哉觸事而真聖遠乎哉體之則 築碎釋迎腦門退一步踏折達磨沓梁不進 祖師天下老和尚在燈裏橫屍露骨進一步 上元上堂盡大地是一校燈三世諸佛六代

日小盡二十九

定乾坤正眼從上以來據曲录木如恒 為明州新瑞巖前山和尚引座控佛祖大機 鞠其指歸直是萬中無一所以道譬如琴瑟 箜篌琵琶雖有妙音若無妙指終不能發擊 河沙

盤空裏走參 狸奴白牯却知有蚍蜉把住大風輪八角磨 上堂兩兩非雙三三非九三世諸佛不知有 拂子十二拳前月如剪清光千里共依依

結夏上堂中奉門下千歲嚴前囊無緊蟻之 終厨乏聚蠅之終兹者時當首夏憑何揭示 立徒說性說心行棒行喝是弄猢猻家具向 佛與你豈殊六代祖師與你何别百千劫內 上向下亦有亦無是諸方煎過藥海三世諸 謾自馳求十二時中何曾欠少變現普周法

界收攝在一微塵寒暑固難變遷生死豈能 拘綴但辨肯心必不相賺

真佛内裏坐金佛木佛泥佛諸人總識且如 何是真佛有般解漢便道長者長法身短者 上堂金佛不度爐木佛不度火泥佛不度水

> 家焼作堆灰了也二十九年逆底順底是底 為了上座入塔三百六十骨節八萬四千毛 短法身殊不知我王庫内無如是刀 非底無繩自縛底今在何所一塔蟲青漢四 山懸緑蘿

頭覷不破第二座陽春白雪無人和第三座 真實身心同達磨師云玉本無瑕雕文喪德 二座主事云第一座教誰作州云装香著主 不肯作第一座主事白州州云總教他作第 檢點將來也是泥裏洗土塊薦福門下不用 叔祖云趙州下者一槌不妨驚羣動眾子細 事云装香了也州云戒香定香解脫香應庵 上堂謝東拂并夏齊舉趙州會下二僧相 相推第一座也有人第二座也有人第三座 也有人雖然不免從頭注過第一座鐵額銅

三七三

龍

如何水長船高泥多佛大三座璞玉渾金能幾箇都寺營辦夏齊又且土燈籠俱拶破第二座偏向淨餅裏吐睡第出他園績不得亦未免從頭注過第一座露出的壓機之謂也中峯咬定牙關盡力踪跳

萬別千差從兹融會成一方之勝緊壯千古之雄基慶衍皇圖輝騰佛日正恁麼時脚跟之雄基慶衍皇圖輝騰佛日正恁麼時脚跟之雄基慶衍皇圖輝騰佛日正恁麼時脚跟之雄基慶衍皇圖輝騰佛日正恁麼時脚跟今翹松頂去則片雲忽過人間旣無心於彼此豈有像於去來擊拂子莫把是非來辨我今魁松頂去則片雲忽過人間旣無心於彼時遇不離有像於去來擊拂子莫把是非來辨我

上堂僧問月旦清晨升寶座請師先祝萬年

路通兩隻草鞋健如虎 | 條錫杖律如龍和 解夏上堂秋山削玉秋水磨銅南北東西

忽活

宿死屍烈燄不藏

蚊

蚋

擲

下火

為道上座下火

(道不在

内

亦不在外大海不

耹

如

何喝一

喝下座

恁麽東

土全無幾恁麼便不恁麼大盡三十

日不恁麼中却恁麼小盡二十九總不恁麼

師便喝乃云恁麼恁麼西天儘有不恁麼不

麽眼

目

師

云

瞎

僧云只

如

趙

州

道婆子被

我

步婆云好箇師僧便恁麽去未審婆子具甚

臺山路向甚麽處去婆云驀直去僧纔行

數

曲彎彎僧云只如臺山有一婆子尺有僧問

勘破了也意旨如

何師云賊是小人僧禮拜

然撞著定上座道無位 眞 人 與 非 無位

春

師

云

麒

麟

出

鳳

凰

現

僧

굸

赮

聖已蒙

師

指

示向上宗乘事若

何師云冬瓜直

能

侗瓠子

相 去多少切忌無言滿面 紅

二人中且那一 浩有一人常在十字街頭開浩浩中靜 出與你千兩金 上堂有一人常在孤峯頂上靜 箇具衲僧正眼若也揀辨得 悄悄 中閘 悄 悄 浩

心恰似中秋月照見三千與大千 上堂從本無心無可傳何須掘地覓青天無

羅舉步踏著糊孫入布袋趙州會下二僧相 上堂謝首座藏主侍者開口道著鷂子過新

吾孤負汝元來汝孤與汝往來者是藏儉 推不肯作第一座義出豐年南泉道王老 竺快 不會則地傾西 便 難 逢一 汝孤 時掀 北上 飜 負吾 生不孝忠國師云將謂 7 也會則天高東南 爛泥裏有刺 中天 師

三七五

緻

開爐上堂舉雪拳云三世諸佛向火燄上轉來如同游戲剱刃上飜身火燄中走馬 火燄燒殺三世諸佛師云若向雪峯言下薦 諸佛立地聽應庵云三世諸佛與火燄說法 大法輪雲門云火發與三世諸佛說法三世 為定上座 若向應庵言下薦得盡大地人眉鬚隨落 會箇箇學無為此是選佛場心空及第歸 行東西南北罔知所向龎居士云十方同聚 上堂向上一路貴在心空心若不空如人夜 得突殺旁觀若向雲門言下薦得自救不了 下火那 伽大定動寂常真生死去

> 華摘楊華 讚牀脚下種菜勝首座道猛虎當路坐摘楊 禪南贍部洲與飯北鬱單越童眠鐘樓上念

拄杖還甘麼吽吽且待别時復舉為 桌倚勢欺人 便恁麼去向我中拳 跟下時時萬彙發生南頭買貴北頭賣賤無 冬至小冬衲僧家頂門上日日一陽來復脚 心印慈明揭榜堂前自彰家醜 非本地風光東家暗坐西家厮罵總是毘盧 14 仲冬嚴寒年年事晷運推移事若何仰一 洞 門下 Ļ 掇 山間 退果 黒漆 Tip

顧香嚴嚴云某甲偏答得者話為山躡前問 香嚴進前叉手為云賴遇寂子不會師云叉 手當胸進退兩同父慈子孝兄友弟恭誰道 叉手進前為云我誠知你答者話不得却傍 仲冬時節冷一 图 和氣在其中

是無等等呪能除一 |堂兼謝首座東弗于速打鼓西瞿耶尼說

切苦真實不虚

道嘉州大像與鹽陜府鐵牛渴發是無上咒

上堂不見一法名為見道不行一法名為行

藏主說底見也見了聞也聞 上堂謝秉拂首座說底見也見了聞也聞 杖子涌身虚空放大光明現大神變說四十 二波羅蜜法門未見者直須 見取 了拈拄杖 未聞者直 云柱 7

劫至今常坦然普請歸家穩休歇拈拄杖云 可呈君箇中若了全無事體用何妨分不分 上堂今朝又是十一月須知有法離言說曠 須聞取卓一卓只此見聞非見聞無餘聲色

**縣毫邪見妄生打你頭破** 腦裂

非難

上堂大光明藏絕遮攔八面玲瓏透膽寒十

二時中不知處通身多是黑漫漫

我在青州作一領布衫重七斤師云趙州好 上堂舉僧問趙州萬法歸一一歸何處州云

語要且不赴來機中峯則不然萬法歸一

歸何處至大四年西山洪水泛漲一夜 衝 觓

> 元日上堂舊臘昨朝送新春今日迎九天騰 地悉皆震動你輩貪眠漢子知甚東西南 三座石橋山門頭 石師子作大劈吼 北 河大 北

僧是一是二輝劔祈開人我易勸人除却是 瑞氣萬國靄歡聲 億身牛頭獄卒馬面夜叉泥豬疥狗羅漢聖 流認得性無喜亦無憂師云一十二面千百 上堂舉古德云心隨萬境轉轉處實能 幽

隨

上堂猫有歃血之功虎有起屍之德二乘即

色明心十地當體即空燈籠跳入露柱佛殿

走出 山門

乘法天台為甚八教華嚴為甚五教主云春 一日座主來參師問云十方國土中唯有一 色無髙下華枝自短長師云屙屎見解

三七七

能

絃

龍

在嘍囉逞奸點惡水一杓香一爐且圖真風雲門當時若見便打般都盧識破不為冤豈由兹彌大千引得諸方恣忉怛知思獨有老達頭上寶蓋從空垂脚下金蓮隨地發殃禍浴佛上堂迦維羅城四月八淨飯王宫生悉

吻懷寶胸襟拾尾礫以當黄金指螢火而爲旨歸惟云藉教明宗不省教中玄要爭鋒脣多遡流窮源極少但言即心即佛不知心佛結夏示衆世道不古人根益微背本趨末甚窮塵利咄

處處廓微靈通煩惱即是菩提障礙皆名解也外息諸緣自然內心無喘塵塵虚明湛寂三月安居由兹開剏十方聚會從此進修若道之中盤繞四生之內深所畏者良可憫馬勝燧甘馳求而靡怠竟劬瘁以何成輪週六

脫

甚用處知時別宜堪作闍黎州半明半暗半合半開十字街頭破草鞋有別既成之後只作一句會却正是萬里望崖上堂百千法門無量妙義胞胎未具已前世上堂百千法門無量妙義胞胎未具已前世

要生希冀哉東陵法姪久處衆中深語此事 展為利物一句作麼生道掣斷金鏁天麒麟 展外器輕心慢心師承學解露布葛藤其可 根小器輕心慢心師承學解露布葛藤其可 上堂兼謝吉祥香長老達磨盡力提持只道

**髙舉鐵鞭擊三百** 

朝宗而浩渺一靈之性託境現形三有之中因胡來漢現水到渠成五嶽鎮靜以崢嶸百谷次李云彌陀演化於西方達磨傳心於東土上堂舉李都尉楊内翰與唐明高和尚問答

著靴師云大小唐明墙壍不堅扁鍋不固致 剃頭不復生子萬云陝府鐵牛能哮吼嘉州 憑誰立命萬云仙人無婦石女無夫楊云尼 令他俗人有入室操戈之舉是你諸人且作 大像念摩訶李云側跳上山巓萬云騎牛不 麽生會擊拂子云白鷺下田干點雪黃鸝上

中竺也怪諸方不得 護生我者裏逐旋管生諸方也怪中竺不得 結夏上堂諸方禁足我者裏是事不足諸方 四月八日上堂雲門當時一棒中奉今朝 掛一枝華 杓尽此報德酬恩一任諸方貶剥下座

你自己雲門云大小玄沙向語脉裏轉却時 有僧問如何是學人自己雲門云忽有人路 上堂舉僧問玄沙如何是學人自己沙云是

後不选店今日忽有人問如何是學人自己 **劈脊便棒山道與古人是同是別** 處偏枯雲門解處疎謬致令者僧前不遘村 上請老僧齊你也隨例得飯與師云玄沙見 解却布袋頭山河大地得大自在結也結了 出身處冬至前後沙飛石走 為定維那下火一槌之下正眼豁開亘塵沙 解夏上堂結却亦袋頭萬象森羅没出氣處 上堂舉僧問雲門如何是諸佛出身處門云 之不見其首且道是箇甚麼乃云三年一閏 上堂仰之彌髙鑚之彌堅隨之不見其後迎 解也解了諸人一任東去西去前程忽有人 無雲門大師中峯門下則不然如何是諸佛 東山水上行師云古今見亡佛法情盡則不 問著輒不得道在中天竺過夏下座

截

劫是箇大寂定門顧視左右云夜來何處火

焼出古人墳

諸相發揮驀拈拄杖畫一畫云除非自解倒目之所到所以道譬如虚空體非諸相不拒上堂目前無法意在目前不是目前法非耳

區役路岐區役路岐

劈神通帝釋輪王徒彰福報爭如直下無事日了也期制之中成得箇甚麽他心天眼漫上堂兄弟光陰可惜時不待人即今六月一

好珍重

霞燒木佛院主墮眉鬚一場竒特事天下幾更取兩尊燒院主嗣後眉鬚墮落師頌云丹云燒取舎利主云木佛馬有舎利霞云如無焼火向院主云何得燒我木佛霞以杖撥灰上堂舉丹霞行脚至一荒院值天寒取木佛

心是佛師云坐殺達磨大師了也知三界空無物不如端坐靜觀心只此心心上堂舉達磨大師偈云我本求心不求佛了人知

襄騎大鵬等開挨落天邊月擊拂子下座八面任縱橫今古何曾有途轍別别藕綵竅上堂八月秋何處熱萬里長空明皎潔通途煙便知是火隔墙見角便知是牛上堂一葉落天下秋一塵起大地收隔山見

也此是無量劫來生死根本無始劫來業識

圍

使得你七

顛八倒役得你萬苦千辛豈

祇對歷歷孤明豈不是我自家主人翁錯了

生卜度便道呼之有聲不見其形只令言談

認以為實降此之外畢竟阿那箇是你 

月尾賣牛買被不覺日又夜爭教人少年 鞋無根乃云開口道著舉步踏著十箇有五 雙因甚不知落處冬至月頭賣被買牛冬至 籠罩不住方有少分相應我且問你著衣实 壁十二時中且要識取自家主人翁隨處作上堂三世諸佛拈向一邊六代祖師置之一 是你自家主人翁有般漢便向第八識裏妄 主立處皆真五欲八風摇撼不動四生九有 飯屙屎送溺行住坐即見聞覺知且阿那箇 冬至上堂僧問如何是祖師西來意師云草

> 何處不圓通 上堂古成朝鳴角空山夜答鐘時人皆共聽 家主人翁復高聲與云主人翁惺惺著下座

除夜示東百丈和尚云你者一隊後生經律 是說不得也所在之處或聚三百五百浩治 論固是不知也入衆參禪禪又不會臘月三 當時早有者箇說話在今諸方豈堪 地只以飯食豐濃寮舎穩便為旺化也兄弟 禪德去聖時送人心淡泊看却今之叢林更 十日且作麼生折合去雲奉和尚云灼然諸 根又復淺薄爭人爭我以當宗乘行盗行淫 道 而為佛事身披師子皮心行野干行開 曲录木者智眼既已不明擔盃囊行脚者信 靡不有之先佛所謂師子身中蟲自食 似鴨聽雷視 利視名 如蠅見血 傷風 具述 禪聞 師子 敗

柱杖云救得老盧頭失却少林

ዺ

捉在足運奔本是一精明分為六和合一心 曰 見在耳曰聞在鼻嗅香在舌談論在手執 身中肉此其 下未免粘牙蒂齒切宜自生勉勵 八横無是不是其或未然且鏡爛嚼白湯縣 飄流 既無隨處解脫只為你情生智隔想變體 也未古人云向外作工夫總是癡頑漢在眼 草作丈六金身将丈六金身作一莖草七縱 大年夜忽然到來且作麼生排遣還曾猛省 汨没不能自知若也属下是去拈一並 是 也今朝是箇小年夜 你 自 殊 家

涉拈

別開

路

**1與汝東** 

認奴

作

下

上堂僧問云如何是實頭一句師云 僧云如何是虚頭一句師云火燒不著僧 刀斫不 慧文正辨佛日普照元叟端禪師語録卷第 行西行拈拄杖擲下云看脚 酥 者一隊漢懸羊頭賣狗肉指鹿為馬 什麽乾屎橛主人翁惺惺著菩薩子喫飯 上堂放下屠刀我是干佛一數無位真人是 爲如 亷 知 綵養亹無 他有甚憑據中天竺 蠶不匪 繭 倦切 起音卷聲吉之音 辞典意尾 也觸 缂 房切 凹 也堅

例力 勉霽上昌 力切也六 包音高切 凸 上蟲徂 下上 陀於 風平帝切 畝 交主從 過元雜 切切 下切妃平 而音西蔡 音音 突坳 上標陵吐 勵 也暴氏線

迢迢

與我疎師乃云祖

師

道心心如木石义

道終日忙忙那事無妨與麼說話總無交

됴

如何是不虚不實一句師云切忌從他覓

慧文正辩佛曰普照元叟端禪師語録卷第二 | 歲一

嗣法門人祖銘編

住杭州路靈隱景德禪寺

諸山疏提起云合郡宿德名員以此穿天下

**村僧鼻孔西天四七出不得東土二三出不納僧鼻孔西天四七出不得東土二三出不** 

得

甚處得來塞却耳根分明聽取有物未舉先知底固不在言只者錦標玉軸方外疏杳杳冥冥其中有精恍恍惚惚其中

佛誕上堂舉應庵和尚頌云草本無端拈出

十九年中妖怪從兹起瞎眼波斯滿大唐懵寶覺真空無是非是悲願弘深上下分指七著生鐵山僧别資一路要與黄面老人 相見優曇火裹關師云應庵與麽道大似看錮鏴來更加注脚放癡獃西天此土誰知已夜半

袋亂呈知幾幾

昨夜唱巴歌驚起法身藏北斗卓拄杖下座上堂無不無有不有金毛師子變作狗南長

心亦不息滅住妄想境不加了知於無了知上堂舉教中道居一切時不起妄念於諸妄

人從天台來卻往南嶽去

不辨真實師云松直棘曲鵠白鳥玄昨日有

育王横川和尚一偈寄云清淨長短聲獨自斷江首座至上堂山僧昔年行脚駐足兹山

生無佛亦無已短句與長吟遣與適意爾夜

**倚廊柱三際俱不來一片冷泉水非惟無衆** 

山子好大衆有祖以來提持納僧頂額上一半落霜華日輸正卓午寥寥天地間只有寒

身失命總出不得者箇老和尚今日因其得著子如擊石火閃電光構得構不得未免丧

薍

無量劫來生死本癡人喚作本來人耳欲聞而不聞瞪目欲見而不見卓拄杖云上堂擁之令聚而不聚撥之令散而不散側上堂擁之令聚而不聚撥之令散而不散側

就中還有竒特也無擊拂子云一月繞過便念耳畔松風瑟瑟門前澗水潺潺正恁麼時上堂深山古寺枯木死灰逈絕異縁了無它

為生死兩字不破明朝又七月十五日了 也解夏示衆參女上士撥草膽風動踰萬里只休夏脚棚高打任東西

一日世縁告終只箇肉團心唇了散了刀斫未是苦也向袈裟下失却人身實為苦也忽替代你英邵武云媒一身之禍造萬劫之殃口 快莫悠悠漾漾虚度光隂他時後日没人還猛省麽莫麤心胡亂領覽莫騁眼下一期

夏又一夏一秋又一秋便到彌勒下生也未 十八界和 與不破來你若向外馳求別要出他生死一 几聖取舍有無諸念拈 故甘心下穷枉受沈淪你但歇却攀縁染淨 以謂無敵於天下還破得他生 一點也用不著你諸 穿鑿者是玄妙機關者是向上爪牙者是一 有般惡友將古人垂慈處向第八識裏妄生 竟不知豈不是袈裟下失却人身如今衆中 也不痛火燒也不疼驢胎馬腹龍畜良賤 乘圓頓者是將錯就錯借路經過依他出語 自口含了吐過與别人點胃點肋稱 他語印板上打來模子裏脫 辨時節 合諸入 珍重 有什麽生可貪死 人幸自與 却四大五 出 死麽 如 佛 蘊 把屎 祖 楊稱 灼 可 十 不 塊 然是 怖破 别 處 向 總 何

師云若以無為究竟後來因甚道有若以有無又僧問趙州狗子還有佛性也無州云有上堂舉僧問趙州狗子還有佛性也無州云

天上天下

為諦當前面

因甚道無者裏捉敗趙州許你

只向道隨家豐儉

總有過處諸人檢點得出許你真達不疑之常心是道州云嚴然虛豁豈可强是非耶州於言何如太虛廓然虛豁豈可强是非耶州於言下趙州被南泉一坐至今擡身不起兩箇漢下大悟師云南泉被趙州一問直得分疎不下之人道州云眾擬馬知是鎮泉云道不屬知不屬不以是道州云還假趣向不泉云擬向即差上堂舉趙州初參南泉問如何是道泉云平上堂舉趙州初參南泉問如何是道泉云平

開爐上堂舉雪拳示衆云世界闊一丈古鏡

道

頭正尾正鷲拳令日忽有人問火爐闊多少是火爐火爐即是古鏡不是雪拳老漢爭得闊沙云者老漢脚跟未點地在師云古鏡即闊一丈玄沙問云火爐闊多少拳云如古鏡

佛成道日上堂舉世尊於雪山夜覩明星豁角也崢嶸不發生拈拄杖云拄杖多年挂屋壁夜來頭至節上堂羣陰剥盡一陽復生千卉萬橐無

家無白澤之圖必無如是妖怪 問用與其事的明星爛爛與昔日雪山略無 問一時錯認魚目以為明珠直至如今飜成 問一時錯認魚目以為明珠直至如今飜成 問一時錯認魚目以為明珠直至如今飜成 然大悟乃云奇哉一切衆生具有如來智慧

三八五

能

能

殺你竟有何憑據擲下火云炎炎火一團觸著燒五蘊則且置性比丘尼轉一念成阿羅漢異為尼能上座下火生緣既了能事旣畢四大

風吹火雪實云徐行踏斷流水聲縱觀寫出 見一棒打殺與狗子與却貴圖 請典座上堂草木衰謝春至自然衆生顛 安盡自覺僧問三平如何是有漏平云笊籬 元旦 上堂歲律新還舊人生古又今西來無 如何是無漏平云木杓亂走衲僧一任 其奈土曠人稀相逢者少雲門云我當時若 手指地周行七 我獨尊與麼說 佛誕上堂黄面老子 事切忌錯留 話 歩目 CA 如 將金輪寶位直 顲 初生下時 四方云天 一手指 天下太平因 上天 \_授凡庸 天 7 圖度 唯 倒

碌輒莫隨時但馳逐衲衣之下本來人要在都盧能幾何誰道光陰非迅速朝悠悠暮碌上堂春山青春水緑在處風光皆溢目百歲珊瑚枕上兩行淚半是思君半恨君飛禽跡畫虎成狸山僧恁麽抑揚意在於何

是物著衣喫飯 子定不得罔明是初地菩薩為什麽卻出 道不難拈拄杖云無事晚來江上望三三兩麼也不得恁麼不恁麼總不得著衣喫飯莫 師云一對無孔鐵槌乃云不是心不 現前不得成佛道西天廣額旃陀羅放下 去雲向帝鄉歸又問文殊是七佛之師出女 刀因甚便道我是干佛一數師云 上堂僧問大通智勝佛十劫坐道場佛法不 識渠真面 目 喝一 有什麽難恁麽也不 喝 水流江漢 得不 是 佛不 恁 屠 得

阜拍 之中塵塵普應刹刹全彰道泰時清民康物 冬至上堂靈機廓徹萬法無私智鑑洞明 虚無間轉一陽出六陰之内驅 禪林云五色祥雲連鳳闕一輪紅日耀 六強入一 陽

龍樓

石敢當僧云莫只者便是麽師云月似彎亏上堂僧問如何是正法眼藏師云十字街頭 海狐鶴翹松正法眼藏瞎驢邊滅卻黄梅衣 少雨多風乃云月似彎弓少雨多風輝龍戲

盈付與盧公拈起簸箕別處春熨斗煎茶銚

不同

**祚萬物成新僧云謝師答話清云鏡清今日** 上堂舉僧問鏡清新年頭還有佛法也無清 云有僧云 女口 何是新年頭佛法清云元 正路

> 云無僧云年年是好年為甚麼却無門云張 失 跟下好各與三十棒何故為他不合向有無 云智門今日失利師云二尊宿與麽答 公獎酒李公醉僧云老老大大龍頭蛇尾門 利僧又問智門新年頭還有佛法也無門 話 胁

裹鼓弄人家男女

訪下庵主云有麽有麽庵主亦豎起拳頭 起拳頭州云水淺不是泊船處拂袖 云能殺能活能縱能奪便禮拜師云者箇公 上堂舉趙州訪上庵主云有麽有麽庵主豎 甚好惡 案諸 主截鐵斬釘下庵主和泥合水大小趙 方錯判者甚多山僧論實不論虚 便行又 州 上庵 州

杖頭上放無量妙實光明出無量妙寶音聲 涅槃上堂拈拄杖釋迦老子即今在 山 僧拄

時見他問欄 無德受討便宜者僧逐色隨聲合受屈辱當 聲清云衆生顛倒迷已逐物師云鏡清有年 上堂畢鏡清問僧欄外是什麼聲僧云雨 未然釋迎老子入般涅槃久矣擲下拄杖 諸人若也諦信得及拄杖子功不浪旋脫或 身今日則有明日則無膽仰取足無今後悔 摩胷普告大泉云汝等諦觀吾紫磨金色之 外是什麽聲便好與一喝更或 而去直鏡鏡清有生擒活捉 滴

方外疏言言見諦句句朝宗西天昔日淨名 月 據室摩竭陀國掘地覓天毘 住 過若幕柄三十且待別時 杭 如金翅擘海直取龍吞似香象渡河截流 州 徑山 與聖萬壽禪寺語 耶離城接 銶 竹點

第三女師云阿誰家裏竈無煙僧云如何是

第一要師云眼裏瞳人吹木叫僧云如

何是

第二玄師云大海波心駕鐵船僧云如何是

第一玄師云東村王老屋頭穿僧云如何是

**玄中須具三要師云畜生本横僧云** 

如文

何

之機也無用處

如何若何拂袖

能名馬協殷周至治馨香巍巍有成功 **陸座拈香云此香蘊唐虞太和根本蕩蕩無** 老東土今朝龐蘊 者一句中須具三玄一玄中須具三要還端 糞箕生掃帶僧云臨濟和尚示衆云夫說法 中須具三玄師云人天本監僧云如何是一 的也無師云有甚不端的僧云如何是一句 鼓響大衆雲臻學人上來請師說法師云破 躬萬歲萬萬歲遂飲衣就座僧出問云堂前 向寶爐恭為大元世界主當今皇帝祝延聖 公 也較

月

並

明以之福賢佐則安若太山固

如

盤石

士展

一臂不假

他力

獅子游行不求伴侶迫

絶

身奉重天魔窺觀

無門外道瞻仰

有

分如壯

妙喜世界釋迦彌勒拱手歸降文殊普賢全

盡浮幢王刹山河大地若草若木全體是箇劫天人修羅若聖若凡全體是箇國一道場

異縁高超諸有以之壽聖君則天地同久日

衲 邪見稠林由兹寢息正恁麼時畢竟功歸何 燈云過在我殃及你師云能殺能活能縱能 過時奈緣法眼老人有未了公案出來為他 太平復舉法燈和尚云本欲深藏嚴實隱遁 **扊擊拂子云** 以之康濟兆民則 打云祖禰不了殃及兒孫僧云過在什麽處 了却時有僧出云如何是未了底公案法燈 **貽笑旁觀山僧本志亦欲深藏巖實隱遁過** 放法燈不失本分鉗鎚惜乎傷鋒犯手致使 得去領暑得行一棒也不打他一句也不罵 他向明寫下如法安排何故總似今日老胡 却就中忽有箇渾鋼打就生鐵鑄成底擔當 時奈緣藏叟老人有未了公案出來為他了 僧 則虚 而靈寂而妙正法 蒲團靜坐無餘事水日寥寥賀 風 火 府 雨 眼藏 以 時 自此 以 Z 流 鍜 通

頂上不會干峯頂上若會即是十字街頭十

字街頭若知即是千峯頂上盡無量阿僧祇

路十字街頭不知十字街頭覿面

一機千峯

事繁僧禮拜歸衆師乃云于峯頂上出身一

難僧云大善知識豈恪方便師云老僧入院

玄蒙指示西來的意事如何

師云答汝亦不

第三要師云皎月當空無不照僧云三要三

第二要師

云寒山拍手拾得笑僧云

如

何是

三八九

췴

能

## 有望

所自山今日因甚為他重新點出只恐諸人昧其眾生去劫以前來劫以後纖塵無有障礙徑為佛開光明我如來以清淨天眼普觀大地

云只為諸人當面蹉過走入露柱裏去也一次事逐理收無一學云德山在你頂門上耀語首座上堂有際天之雲灣可容吞舟之魚情首座上堂有際天之雲灣可容吞舟之魚症劫分明至今日東西南北設馳求喝一喝一点清道水水中一单云德山在你頂門上耀大連指柱杖中一单云德山在你頂門上耀大連指柱杖中一单云德山在你頂門上耀大連指達大學任其事拍禪床云有意氣時大法眼臨濟在你耳門裏轟大法雷靠柱杖上堂一華開天下春一葉落天下秋理隨事上堂一華開天下春一葉落天下秋理隨事

頭戴角飜身觸倒五

須彌

中了無夢想勞生路上永絕驅馳火裏鳥龜州戰轉著錦襠僧禮拜云謝師答話師云方人笑你師乃云病在一師一友處病在多知人笑你師乃云病在一師一友處病在多知人等你師乃云病在一師一友處病在多知無聞冷水浸石頭處只如著衣與飯屙屎送尿還得不病也無無為無事人猶是金鎖難中了無夢想勞生路上永絕騙馳火裏鳥龜上堂僧出衆提起坐具云過去諸佛亦如是上堂僧出衆提起坐具云過去諸佛亦如是上堂僧出衆提起坐具云過去諸佛亦如是上堂僧出衆提起坐具云過去諸佛亦如是

股西風起且喜凌霄一夏休 老矣無心鑄鐵牛眼前隨分即相酬庭前葉是東山一夏休師云徑山隨建想也有一頌 鐵牛十分高價與人酬庭前不有華含笑又 鐵上十分高價與人酬庭前不有華含笑又 解夏上堂畢東山和尚示衆云百鍊黄金鑄 凉彈指聲中便差别百年能得幾時長城歸上堂去時夏暑侵衣熟歸日秋風滿面

開口師便打僧休去徹底清則且置平實地上道將一句來僧擬師一日勘僧云擘開華微連天秀放出黄河

全提因甚一場懷禪擊拂子云無縫塔中雲云雲居得曹洞正傳為宗門百世師表末後云三十年後但云只者是遂乃端然告寂師云三十年後但云只者是遂乃端然告寂師天童雲外和尚遺書至上堂舉雲居膺和尚

匼匝不萌枝上月團圓

是闍黎師乃云南泉斯猫兒趙州頭戴草鞋云如何是四互師云闍黎即是老僧老僧即是不回互師云闍黎自闍黎老僧自老僧僧上堂僧問云門門一切境回互不回互如何

力口希禪子訝中眉垂出去鳥窠吹布毛通侍者當下悟去咄咄咄

磨云但有心分別計較自心現量者悉皆是底則必與之俱錯一種平懷泯然自盡錯達上堂窮千仭之巔則必與之俱錯極九淵之

使八極頂目者不自爭衡将見斯人兮駕馭片於炎天疏正脉之淵源碎邪師之窠臼寒為难忠了堂和尚引座開蓮華於臘月落氷夢錯錯錯何曾錯祥麟只有一隻角

第二禪。

昂枡擊拂子云叢林在處今寥落聽取西山

佛法商量入地獄如箭射不作佛法商量入聞棋盤石雨過苔生鉢盂池春來水滿若作上堂舜若多神無身覺觸跋難陀龍無耳聽

Ħ

截

三九一

棍

地獄如箭射

赫昨夜楊岐三脚驢縱身踏倒黃番綽令朝上堂風吹不入雨洒不著邁古超伞光明烜云臨朕碪師云杜撰禪和如麻似粟參堂去一日僧來參師問云何方聖者甚處靈祇僧

仔細辯蹤由却是西川李八伯

謝秉拂并夏齋上堂教中道於食等者於法是汝不是汝擲下火云烈焰堆中分明薦取邊横干豎百是汝且道生死海中派泳游戲為冰掌財下火秤盤上分斤定兩是汝異筒

是名法等其施汝者不名福田供養汝者墮皆飫飽是名食等首座東拂內外悉皆見聞亦等於法等者於食亦等都寺營齋內外悉

上堂即心即佛唤起窓全曙非心非佛催歸

三惡道喝一喝下座

45.4

吹無一時不偏無一處不周無一理不圓無可說微塵數世界是箇實覺真心赤洒洒無見箇金剛正體淨躶躶絕承當盡不可說不答不錄乃云盡不可說不可說不可說微塵數世界

二千獅子座七縱八橫千變萬化左之右之無可不可三世諸佛以此真心開甘露門廣度羣品路廸盲聾炳耀癡琳奕世人王帝主以此品路廸盲聾炳耀癡琳奕世人王帝主以此正體以此真心為生民立極為世開太平基正體以此真心為生民立極為世開太平基本教元於塗炭措天下於盤石大元世界主張教元於塗炭措天下於盤石大元世界主張於黎元於塗炭措天下於盤石大元世界主張於東京寶百億須彌盧百億香水海日月所照風雨所至悉稟威靈威歸化青乃至此日特風配皇帝科儀修設天地冥陽水陸大會七畫

若飛若潜若動若植普仗良因均需妙利四

作一莖草腹中現百億閻浮提室內湧三萬

方通畅拈一莖草作丈六金身将丈六金身

事不具塵塵利利八面玲瓏物物頭頭十

尺量虚空終難究其數持蠡測海水豈解知舜日山川外人在堯天雨露中復說偈云執下無私一句畢竟如何擎展擊拂子云化行共享昇平當此之時理周事徧果滿功圓眞方消灾沴之虞萬姓樂耕桑之業同躋仁壽

三九三

纸

厳

**妃諸眷屬心體及福源等無有差别一塵一同欲求其窮盡是亦不可得太后皇太子嬪其窮極是亦不可得太后皇太子嬪其窮極是亦不可得吾君之福源與此壽量畢竟不可得吾君之壽量與此心體同欲求其源吾君本心體廣大亦如是欲求其邊際** 

體本來相如是思畜等十方諸有情三界衆舍識當知此心百千萬億中亦不能及一天人羣生類地獄佛刹一刹一釋迦各現廣長舌共說如上事

上堂舉臨濟示衆云若與麼來恰似失却不

中切宜斟酌會與不會莫錯莫錯分明與麼麼來無繩自縛不與麼來恰似失却一切時刻師云者老漢剌腦入膠盆了也乃云若與不會都來是錯分明與麼道一任天下人貶與麼來無繩自縛一切時中莫亂斟酌會與

現太大中現小於一毛端現實王刹坐微塵

蓋似地音擎直得一為無量無量為一小中

萬像淨倮倮絕承當赤洒洒無空關如

天普

包羅

師乃云法身無相融構十虚法眼無瑕

裏轉大法輸正恁麽時還有與子愚能長老

相見者麼若也見三十棒一棒也不較若也

不見三十棒一棒也不較何故知恩方解報

刹為復因時建立為復觸處皆真師云南斗

七北斗八僧云會中適有賢于長者持標等

掩泥次然燈如來指布髮處云此處可建稅

問禪客問一句來老僧答一句去可謂徹頭 恩復舉世事因地中布髮掩泥公案師云適

誰解看然燈纔舉手長者便標等解起天人

徹尾 苟或遅疑更聽一須無上寶王刹當機

云無子有大志矣還諦當否師云刹竿頭上

邪逐惡僧云是時天帝釋於空中兩華讃歎

以指處挿云建梵利已竟又作麽生師云隨

仰蓮心僧云只如子愚能長老刳心獨力管

粉寶坊可謂出他古人一頭地師云同坑無

敬能摩星斗寒埋頭火宅者今古自颟顸 上堂於心所生即名為色知色空故生即不

將驢鞍橋作阿爺下頷擊拂子云急須著眼 生馬簸箕應西天懸識傳東土大法因甚却

異土僧云還許其甲末後讚歎一句也無師

云試亂統看僧擬開口師便喝僧禮拜歸衆

看仙人莫看仙人手中扇

上堂平白地上拈起一絲十箇有五雙眼膛華非幻消磨盡只與從前不較多 上堂一夏悠悠今已半尅期取證事如何幻

**膛地若作佛法商量錯認定盤星不作佛法** 

蔽

能

三九五

佛早留心直至如今不得妙山生身墮無間獄拈拄杖畫一畫云毘婆尸商量刻舟求劔三十年後蹉口咬著舌頭徑

病之源涅槃臺上皎月當空勝熱門頭清風為存上座下火偷心死盡毛髮不存正是大云自是不歸歸便得五湖煙景有誰爭上堂秋風涼秋夜長未歸客思故鄉拍禪床

たりますりますが、またいでは、おりますが、ですり、またりです。
沙一切理不被理拘是你普賢境界若也成被色迷是你文殊法門居一切事不被事破上堂聞聲不被聲惑是你觀音三昧見色不

上堂盡大地是金剛正體二時粥飯向甚處逸多出世更須買草鞋行脚始得來亦無住若也當頭蹉過當面諱却便是阿機得去受用得行常在途中不出門無去無

山舉問仰山黄檗意旨如何仰云鵞王擇乳良久云啼得血流無用處不如緣口過殘春良久云啼得血流無用處不如緣口過殘春息久云啼得血流無用處不如緣口過殘春

惟有仰山較些子無禪師須蓋胡穿知幾幾萬王擇乳鴨不同無禪師亂鑿胡穿知幾幾萬王擇乳鴨不同素非鴨類為云斯實難辯師頌云大唐國惠太舉問仰山黄檗意旨如何仰云鵞王擇乳又且如何檗云不道無禪只是無師後來為

成三片直下恰似川字稱文喝一喝海俱胝道者忍俊不禁將國一祖師禪石喝飽者得飽碁盤石踪跳上天鉢盂池哮吼入生無底鉢中釘出七珍八寶未聞者得聞未上堂謝東拂并夏齋無絃琴上撫出五音六

了也遂令訪彼待他陞座但出問云作麼生 有甚言句記將來其僧依教往問一云自從 也未總不見寄箇消息來僧云已與人說法 胡亂後三十年不少鹽醬其僧回舉似南嶽 上堂舉南嶽和尚示東云道一曾為人說法 飯只如常可憐南嶽讓和尚垂老懸懸掛肚 大稱賞之師頌云三十年不少鹽醬二時粥

欲右即右如頭之耳目如身之臂肘其進用 請兩序上堂一心不生萬法無咎欲左即左

因救病出金餅

**箇圈績不得擊拂子云劍為不平離實匣藥** 

垂紳正笏指天下於泰山盤石之安總出者

也問涉離微其退藏也豈存窠臼日午打三 **更面南看北斗** 

云一家有事百家忙僧回首召云大東記取 師云老僧今日不著便師乃云若論此事不 上堂僧出衆云丹霞燒木佛院主眉鬚墮師

> 塞要在疏之導之使無匱竭之憂本之祭悴 而諸祖豎大法幢耀大法眼乃至有國有家 上堂本大者其葉茂源深者其流長源之通 要在培之植之使無夭折之患上而諸佛下 可以有心求不可以無心得不可以語言造 去者裏風頭稍硬且歸煖處商量 不可以寂黑通十二時中且作麽生得相應

請監收上堂山鄉每憂旱水鄉常畏潦付託 既得人安用掛懷抱古人云千粒萬粒一粒 生只者一粒甚處生歸堂喫茶 上堂内不住受想行識外不著聲香味觸出 息不涉萬緣入息不居陰界菩提妙華編莊

乱

嚴隨所住處常安樂便與麼去只成箇杜撰 歷主向我納僧門下未夢見在擊拂子云獨 立周行如便休誰振宏網照干古 上堂無名名之父空手把鋤頭歩行騎水牛 点萬物之根源作天地之太祖人從橋上過 標流水不流拈拄杖左卓云者裏會得見肇 標流水不流拈拄杖左卓云者裏會得見肇 不落第二見老好痛與三十敗向無生」 霍挂杖下座

師廊下見僧便云棋盤石斫破你腦門鉢盂下便明心地法鐵鞭三百未輕酬上堂人間五月汗滂流山雨連朝冷似秋嵐,水曠大劫來寬不得四天下人空獃獃,上堂半明半暗半合半開無向無背無去無上堂半明半暗半合半開無向無背無去無

河增良遂知處諸人不知阿逸多後無一法上堂諸人知處良遂總知處音王前無一法上堂諸人知處內據我人不知阿逸多後無一法上堂諸人知處內據我人不知阿逸多後無一法上堂身上著衣方免寒口頭說食終不飽百上堂身上著衣方免寒的頭影會王前無一法上堂身上著衣方兔寒的頭影會王前無一法

正印十萬里踰沙越漢道我傳法救迷情因也百川赴海後先齊致左右逢源正恁麼時如何三界炎歐鑠金石蒲團水日自寥寥如何三界炎歐鑠金石蒲團水日自寥寥之然這有久新之異拈起也十日麗天放下之然

是你大風邊事非已之法王也呼之有聲不水邊事非已之法正也寒煖呼吸動轉施為甚却作野干鳴脾胃肝膽涕唾膿血是你地

已之法王别教什麼人見當其見時有形耶來生死根本非己之法王也且阿那箇是你

見其形孤明歷歷言談祗對者是你無量劫

從普通年直至如今在你眉毛眼睫上放妙達磨大師與你洗脚有分其或未然碧眼胡無形耶青耶黄耶大耶小耶者裏脫體分明

頭蹉過珍重

寶光明出妙寶音聲演說安心法門切忌當

覺某甲泉云翹足又作麼生僧無語師云明後歸請益云和尚擲尾礫打某甲豈不是警其僧回首泉乃翹|足僧無語泉便歸僧隨上堂舉南泉因入園見一僧乃拋尾礫擲之

配下是地甜瓜藤結苦葫蘆釋迦不受然燈樹泉老漢失却一隻眼畢竟如何頭上是天月之珠夜光之璧以暗投人莫不按劔而視

法語

示果侍者

○ 本書○ 本書</li

三九九

龍

敝

龍

不是大丈夫成就大丈夫事也 轉大法輪耀大法眼操殺人刀東活人劔抽 釘拔楔解粘去縛使有情界中佛種不斷豈 向一毫頭上識得根源根本既明源流旣正 祖 踏下呵呵大笑云百千法門無量妙義只

山河大地草木叢林畫夜六時常放妙寶光 明常出妙寶音聲普為汝諸人開演無上第 圓如將黃葉暫止兒啼其奈去聖時遙其弊 多端有權有實有頓有漸有半有滿有偏有 萬邦日月所照霜露所墜悉稟威靈咸歸化 有不可勝言者矣當今聖天子以佛心統御 領箇現成受用遂乃勞他迎文老漢起道樹 義諦為汝諸人當頭蹉過當面諱却不能 **泳藏主入京書金字藏經求語** 

> 斯行也深蘇紫毫大書碧楮一經一偈一文 怠為精進同悟如來十二行輪豈但法門增 重為書之徑山泳藏主由是以書畫預選於 大揮公帑精金詔天下善書僧儒畢會京師 育觀此大經多成迷昧憫此眾生多成懈怠 生聞是經者華迷財為明了見是經者策懈 一義一句一字悉皆放光動地將使五濁衆

智眼既已不明擔鉢囊行脚者信根又復沒 辦之期矣年來此道殊甚據曲木床稱師者 裹求象牙馬頭上尋牛角萬劫干生永無成 河截流而過向我衲僧門下尚未能彷彿萬 英銳之士如金翅擘海直取龍吞似香泉渡 九鼎之重哉 **鑽頭入知見網中挿脚向情識海裏狗口** 示壽維那

示染禪人

唱道之師蝦爲子曲賓云不入者保社渾銅 禪師在與化作維那化一日謂云你不久為 貫設饋飯一堂復白槌云克賓維那法戰不 成戲論可不痛心疾首者哉昔太行山克賓 勝不得與飯即便越出院與化此令雖行無 打就生鐵鑄成化云你會了不入不會不入 吼化便打復云克賓維那法戰不勝罰錢五 幾乎蹉過實云總不與麽真獅子兒能獅子 薄麻纏紙表過相熱瞞俾少林直指正宗流 向興化門下免致罰錢出院試下一轉語看 點將來總欠悟在且道當時別作什麼道理 是飜轉而皮始得二大老一期截長補短檢 奈傍觀者聽雲居舜老夫云不是克實維那 時矣大慧師祖云要作臨濟烜赫兒孫也須 也大難承當總是而今之流飜轉而皮多少 身出胎入胎四大五蘊十二處十八界二十 五有森羅萬象明暗色空世出世間無一鍼 鋒許非各各當人行大自在得大受用得大 出世間一切法亦不可得此不可得亦不 名亦不可得如是號亦不可得四大五蘊世 死亦不可得染亦不可得淨亦不可得如是 解脫得大安樂時節於其中間生亦不可得 爾諸法亦然諸法既爾則曠大劫來舎身受 逢境便終逢塵便執頭出頭沒不自知非而 没井輪互為高下良由迷白本心珠白本性 曠大劫來生生死死如旋火輪無有休息如 既爾諸根亦然諸根既爾諸塵亦然諸塵旣 無所染則色塵絕耳無所染則聲塵絕一根 已天台染禪人無染其名絕塵其號蓋以眼

四

0

龍

離妄緣即如如佛亦豈外此别有指陳也 體露真常不拘文字心性無染本自圓成但 光明俊偉者乎古德云靈光洞耀逈脫根塵 縱八横干變萬化左之右之無施不可豈不 莖草作丈六金身將丈六金身作一莖草七 得譬如虚空體 非諸相不 拒諸相發揮拈一

開爲得意他且不是你情間中得意底物經 你寂静中究竟底物情開中作主宰者以情 **寂静中做工夫者以寂靜為究竟他且不是** 示立首座

泉魚鼓波而自躍你擬向東邊討他他向 形段金剛大士從塵熟劫來直至而今如潜 淵源他且不是你師友中講磨得底物此無 教中領魔得底物師友中講磨者以師友為 教中領覽者以經教為根本他且不是你經

父母未生以前本來面目明當下豁然大悟

編體汗流悲淚請曰上來容語客意外别更

思善不思惡正當恁麼時阿那箇是明

上座

主萬法為師此其是也自非上根利智具殺 名立字即不得一切處一切時與你萬像為 人不眨眼底手段將第八識斷一刀豈有成 他與一切人安名立字即得一切人與他安 邊立地你擬向南邊討他他向北邊立地教

力舉之如山不動踟蹰悚慄乃云我來求法 非為衣也盧祖問曰汝今欲求何法明曰我 石間云衣以表信可力爭耶任汝将去明盡 **犇逐至前盧祖知勢不可敵因以衣鉢置盤** 辨時節豈不見盧祖至大庾領時有明上座 實未識自己本來面目願行者開示祖曰不 者陳宣帝之裔也膂力絕人故有将軍之號

橋且不是阿爺下領潮陽立首座嘗分座於 水冷緩自知咄便以此為本來面目耶驢鞍 在黄梅實未省本來面目今蒙開示如人飲 山中臨別求語因而不覺切怛 有否祖曰今與汝說者即非客也汝但逐照 自己本來面目客即在汝邊明作禮曰其甲

向上一路恢廓十虚不可以有心求不可以 當人深信堅固向胞胎未具联兆未分以前 無心得不可以語言造不可以寂黑通要在

示報侍者

若乃依師差別見人差別被他曲木牀上瞎 無向背七縱八横得大自在方有少分相應 一題覷破透頂透底迎絕羅籠亘古亘今了 老師胡指亂註有佛有法有禪有道有玄有 妙有機關境致如何若何膠住你舌頭釘住

> 法有玄有妙如何若何與你作究竟栖泊哉 指歸如國家兵器不得巴而用之豈有佛有 神通以謂天下無敵我眼本正因師故邪斯 你眼睛隘住你曾襟如油入麪永取不出日 箇不會由兹而降或行棒或行喝或聲奉或 箇不識六祖傳黃梅衣鉢全身擔荷只道得 久月深化為精點魍魎放無量光明現無量 豎指至於打地面壁觀三箇木毬之類鞠其 之謂也老胡十萬里西來盡力提持只道得 示意首座

移易一絲毫十箇有五雙剛自不知落處鄧 **樂度買來還自賣為憐松竹引清風也只是** 師伯云山前一片閒田地叉手叮嚀問祖翁 威音王佛以前有一坐具地從古至今未曾 箇破家不肖之言豈知有上祖田舎翁陰德

龍

從上佛祖雪屈方乃不辜行脚本志隨禮建

**赴大隊向老鼠孔裏頭出頭沒豈其然哉** 

拙隱居士求示

此不思議大解脫門在各各當人分上從曠劫至今無經電間隔無經毫虧欠只為你根如無治諸幻病不過欲汝諸人一箇箇退步以樂治諸幻病不過欲汝諸人一箇箇退步打一處一法一法一技一能一言一句擔得將來有一塵一法一技一能一言一句擔得將來有一塵一法一技一能一言一句擔得將來有一塵一法一技一能一言一句擔得將來有一塵一法一技一能一言一句擔得將來有一塵一法一技一能一言一句擔得將來有一塵一法一技一能一言一句擔得將來對大休大歇大安樂田地而已即非向外別對大休大歇大安樂田地而已即非向外別對大休大歇大安樂田地而已即非向外別對大休大歇大安樂田地而已即非向外別對大休大歇大安樂田地而已即非向外別對大休大歇大安樂田地而已即非向外別對大休大歇大學與日本性這對大條所則有各名當人分上從曠時不過一點

偈 道光

明寂照徧

河沙凡聖舍靈共我家

得燈如白衣拜相如平地登仙

隨口便說

來張拙秀才當下豁然大悟如貧得寶如暗

拙云姓張名拙霜云覓巧了不可得拙自何

何不參禮拙因依教而往霜問云秀才何

姓

重增病趣向 **真如亦是邪隨順世緣無** 一凝

本性到大休大數大安與日也民之一十日沒樂生死等空華只者便是明自本心見自

把手共行底時節然雖如此若乃聞人與麼 性到大休大歇大安樂田地與從上佛祖

道便將者開言長語配向臭皮袋裏以為究

行無明如干波萬浪相似作麼生究竟作麼

生洞明方乃得到者箇

田地豈不見昔張拙

秀才訪禪月齊已泰布衲於石霜會中一向

只與此三人說詩講文章初不知有脚跟下

奇特事禪月向他道堂頭和尚是肉身菩薩

佛祖把手共行無二無別只如博地凡夫現

**逼下啐地折爆地斷巧盡拙出方可與從上** 

小巧邊事非自己大休大歇大安樂之妙惟

拙隱號馬蓋

只作屎氣息脚跟下事要且了無交涉後來 竟以為知解如刻人糞作旃檀香盡未來際

才語僧云是門云話隆也雪門年老成魔無

雲門問僧光明寂照編河沙豈不是張拙秀

風起浪者僧據實而答因甚却成話吃後快 已大休大歇大安樂田地也勉之哉勉之哉 底 外一 鄉抹過太虚無一 經毫處所非自

示善侍者

自家根帶下積生累劫多諸惡智若也照燭

揻

化

四 〇 五

飄殺了!

你四者既是五蘊十二處十八界二

**瞋火即燒殺了你一切法中或有所喜風即** 

恁麼時畢竟與什麼作吹毛納至治二年八 月十九日爲匡廬善侍者書 好也惡也一時斬為三段但有來者悉皆裂 破積生累劫縱有多諸惡習自爲解脫矣正 一口吹毛剱佛也祖也凡也聖也逆也順也 脱盡你三百六十骨節八萬四千毛竅東作 他在千佛出世亦無如之何矣如今要得替 如黐膠相 十五有明暗色空森羅萬像到處粘作一團 似 驅你入驢胎使你入馬腹總由

慧文正辩佛日普照元叟端禪師語錄卷第二

所切也切 桥 以音竭音木牙 黏痰也飽而入 隊上 乏根切也古 鳥黐 也膠 敵 復音下慕 **羯吁生不**魯切 热膈也伐故音 氟切 渗 切故 也首僚徒音符 ঁ 陽典路銅 呂兩氣切金鐵 脊廉亂田軽以 骨切日上也塞 也音诊棒 紋 藕 匱 同典

知抽位具

四 <u>〇</u>六

龍

截

慧文正辨佛日普照元叟端禪師語録卷第三 巖三

嗣 法

法語

示可宗禪人

我宗無語句亦無一法與人古人與麽道乎 地鑿成溝壑了也者裏裂破古人舌頭全心 不無亦得道不不有不不無亦得所以道法 即佛全佛即心道有亦得道無亦得道不有 高氣銳頗不為邪師惡友所迷謬語余於不 無定相遇緣即宗可宗禪人由西蜀 南詢志

祖為宗 名號從何而立宗曰宗既無宗可亦無可如 無可宗世出 動 軒 一所說其便是某甲安名立號處麼余叱之 中因而 郭以 世間一切諸法悉無可宗汝之 佛為宗佛無可宗以祖為宗祖 問日汝云可宗以佛為宗耶以

> 立號在 日者野狐精向汝道一 無可宗汝更要安名

脫出口傳心授以當宗乘今時普例邊事非 吾望也請自著精彩 顯發因述兹激其深造遠詣印板打來模子 佛法大事非劣根躁進可求辨悠久銕石身 心向自己脚跟下微細揣摩忽一朝桶底子 九十六種所攝持本地風光本來面目不能 孜孜矻矻不倦於斯真末法英俊余懼其為 蹉過四明聞禪人當侍吾香几於五髻山中 則又打入九十六種數中認賊為子矣三祖 脫自然海印發光生無毫異見作無毫聖解 本末皆為自欺者箇說話十箇有五雙多成 云一種平懷泯然自盡德山云毫髮許言之 示闡侍者

四〇七

龍

能

#### 示浩侍者

此與油糍飽傍觀者哂侍者云和尚不出門作造業眾生未得名為真出家人南陽忠國作造業眾生未得名為真出家人南陽忠國作造業眾生未得名為真出家人南陽忠國師三與侍者侍者三應家肥生孝子國霸有部三與侍者得到正衛者一次一家與自轉鎗頭了也鹽官國師與侍者云府子政了也頭高了來貧時思舊債侍者云扇子來放於負吾為也不此堂侍者覆云和尚何不赴堂宿云我產牛兒來之堂侍者覆云和尚何不赴堂宿云我產牛兒來之堂侍者覆云和尚何不赴堂宿云我產牛兒來

解其或未然玄沙道底 解其或未然玄沙道底 明者一隊弄泥團漢不消一體便見冰消瓦 要是他孤負處扇子既破與什麼作犀牛兒 裏是他孤負處扇子既破與什麼作犀牛兒 要是他孤負處扇子既破與什麼作犀牛兒

#### 示永禪人

因甚庄上喫油糍折箸攪滄溟宿云你去問

取庄主推惡利已侍者出門值庄主至云謝

障除鳳紫金網 氣息至於回頭轉腦之處打失鼻孔却乃一 中峯門下拄杖 上見得為事所 師始闡虚空解講之語拂袖 桑祖 且不打者漢亮座主參馬 刺理上見得為 云一 種平 便行稍有衲 理所剌 懷泯然 自 剌 拔 僧

甚八教華嚴因甚五教永云春色無高下華 我且問 知有 錫 生受屈當時若遇箇本色咬猪狗大手脚 山中時 轉 身一 你十方國土中惟有一乘法天台因 一日來發余問云你是教庠人物 路豈 止 西山坐殺而已哉永 使 寄

其時適有官冗未暇盡 餘忽攜此紙需語為 枝自短長余云屙屎見解永疑議余即 江西沿途警禁從而謂 情法其所繁相 別歲 打出

曰情存聖量猶落法塵已見未忘還同滲漏

自東徂西二千里水宿風發晨與夜坐時作

歴生道得十成絕渗漏之句 以雪前 Ħā.

示康藏 主

你凝 飢 佛法無功用處一切平常著衣免寒喫飯 而已你擬心思量他他且不是你思量底 心莊嚴他他且不是你莊嚴底說 得如 ᅶ

所以道諸 淨無 蘆淘汝業根汰汝情見只圖 施方遂有三乗十二分教如將蜜果换苦胡 與寫 水會得如刀破竹千里萬里愈沒交涉 事衲僧豈有鍼鋒許實法與 佛不曾出世亦無一法與人隨病 你 作箇脫白露 你作 咀 嚼

要取東邊物轉走轉遠轉急轉 與你作蹲坐也你若不肯自信 終何所益豈不見為山問香嚴我不問 知識以為究竟以當宗乗譬如埋 門户求禪求道求支求 妙求 挑四 連 佛 但切 囊負 頭 求 向 祖 疲勞 水善 你 鉢 西 走 傍

級

訄

四〇九

乱

屢上堂頭呈所解乞為說破為云我說得是 集諸方言句並無一 辯東西時本分事道將一句來嚴懵然無 我見解終不益汝道眼嚴 一學解 及經 卷册 子 語可 上 記得 歸 酬 底未 此 寮編檢平日 問 自歎 出 胞 曰 胎 畵 對 所 未

却現行滅卻意根全身放下方有商量分聰 時若為我說安得有今日事也由是言之死 法也 **支除草木**抛 餅豈可充飢 更衣望為山遙禮云和尚大慈恩逾父母當 明智識嘍囉巧點豈能希其萬 山而去抵南 且 作箇長行 陽視忠國師遺跡 γΧ 火 粥 時焚 飯僧免役 却云 遂憇止焉因 心神泣辭為 此生不學佛

迎又老子未出母胎便用箇無文印子將十 示印空禪人

偉其亦極矣迨今近年以來匡徒領衆 以冬瓜印子选相傳授 眼既巴不 文大著如十日歷天纖悉真能 乾四七唐土二三正按旁提橫拈倒用 如果 葉尊者破顏微笑便云吾有正法眼藏 方虚空 此印之妙曹谿大鹽而下馬 妙心用付於汝也只用者印子由斯而 天百萬泉前拈金色波羅華普示 會開八萬四千法門也只用者印子末後人 只用者印子起道樹詣鹿乾歷三百六十餘 作及乎 既出 七步目顧四 月夜行於險道邱陵坑坎終不分曉葢 世出 明季師擇友者信根又復味 世諸 頭來隻手指天隻手指地 方乃云天上天下惟吾獨尊也 法一 颟 印 顢 印定 師 頇 領龍 隱遁 絲毫無有 喝 大衆 儱 光 必 無非 劣各 降竺 特迎 者已 涅槃 周 來 明俊 侗 印 侗 走

海首座省親求示

**一 五** 二 六 一 二

號期掲此普示天下後世其高風英縣固以 憤口悱悱要與從上佛祖雪屈因以印空自 超出時流數百倍矣更須和者印子一撲百 雜碎徑山老漢然後與汝三十拄杖 為來處不諦當遂乃如斯長沙潭禪人心憤

道人之心其直如弦但無人我是非聖凡優 得箇 從本以來不是人不是我不是凡不是聖不 劣詐妄諂曲諸等過患自然得入無住 是心不是佛不是物不是禪不是道不是女 不是妙只為一念妄心分別取舍突然起得 如許多頭角 12 自 跡在牛還在無心道易尋 由 示紹藏主 自 被 在 他萬境回 欮 VX 道尋牛須訪跡 换十二時中不能 學道青 心體

> 佛心即是外求有相佛與汝不相似欲識汝云汝言與心親父母非可比汝行與道合諸 本心非合亦非離二大士驀割相逢顯揚此 最親者諸佛 伏馱蜜多問 非 佛 陀難 我道誰是最道者佛陀難提 提 日 文 母 非 我 親 誰 是

箇法門 無有障礙伶俐漢向者裏著一隻眼曠 欲明此 為世出世間真大丈夫哉洞山 作事業所遭獎龍一時透脫內四大外四相 來舍身受身出胎入胎所生父母所纏愛網 可得一切處一切時如龍得水 五聚十八界種種名言句義求其蹤 **毫端現實** 時裂破曠大劫來得念失念成法破法所 也黄檗身至庭園不交一言而去 如大日輪 王刹 坐微塵 昇太虚空照四天下絲毫 裏轉大法 似虎靠 以不歸勸 輪 跡 大劫 山 7 可 於 揭 不

四

龍

龍

老言別西邁因舉那吒太子析骨還父析肉敢應與麽不與麽皆吾佛大報恩之妙業火與麽與麽不與麽皆吾佛大報恩之妙業火此相施諸人事非外此也或時與麽或時不世相施諸人事非外此也或時與麽或時不

之善士作三界之韻人其在儒也則儒苑之令無一法可減故我渤海月軒處士為一鄉法可增盡十方虛空是箇大解脫門從古至盡十方世界是箇大光明藏從古至今無一 為渤海月軒朱處士掩土

泰定二年七月十有九日也

頭問

訳云謝

和尚

證明即書以為

贈其時實

還父

肉既還母與什麽

人作那吒太子海低

選母卻現本身為父母說法而徵之曰骨既

名富貴所拘牽雖示有塵勞業感而不 事而不滅壞無為之相雖示學無為法 勞業感所汨沒 分別有為之名雖 益平生千古清風 根得旨末後光揚 縁昔年全體與麼來 跡可留沙上鴻痕豈有真蹤堪戀七通 體與麼去鴻遺沙上之痕酒 詩書振祖宗以禮義悅親友處夫婦如琴如 著龜其在佛也則佛門之墙聖雖示作 瑟生子孫如鳳如麟行種種方便成種 (遮攔萬) 別千差都無墨礙正恁麼時 拓 動巖 二句 本來田地顯自已家風 示有功名富貴而 虵 如 現酒中之影 何擎展一抔黃土 中 虵 影 既無實 令朝全 不 八達 種因 為 爲 而 汉 塵 不 功

見身無實是佛身山河大地逈絕異緣了心為妙淨潔長足起龕

現比 此宗挺鐵壁銀山單明自己廓性天之雲翳 如幻是佛幻草木叢林更無別法故我某人 蕩心地之塵唇透聲透色八面玲瓏亘古亘 令十方通暢母固好必能柔能綱道契南北 丘尼身成大丈夫事抛玉 樓金 殿直 趣

觀光智鑑虚圓凌行婆亦須退步全體是箇 無生死可出百骸潰散車崩獨存四大分離 解脫大海全體是箇涅槃妙心無起滅可求 湛然常寂正與麼時身裏出門即不問門裏 兩朝名滿東西二湖靈機活脫劉鐵磨未足

出身 作麽生癿 盧頂上從來往安樂邦中任

答慈雲珏長老嗣 法書

警知客來得所惠書就審體候 所推瑞世大方一香不忘靈山道聚之舊 安 和 且知 四

> 故能成其深一切處一切時但只鋪心 不可容易山不讓塵故能成其高海不讓流 與今時趨炎附勢待價而 久久自然靈驗或些少魔孽亦當自化 有徑庭矣既得座披衣入者行户作者蟲豸 接上根二祖三拜得隨後復說四行以 有云昔在佛樹力降魔得甘露減覺道 之謂也缺齒老胡十萬里西來單傳心 務在單提箇事開悟人 **今何也深慮後人為喜風** 得大自在無出曹谿盧祖皆可為法輭 山臨 世遷流有失正念之故宜深思焉 疑誤來學非吾望也爭人爭我以當宗乗 曲彎彎打入今時口傳耳授隊中强 濟後 則大慧應庵縱橫 天前 沽不原所自者大 所飄順 波辯 則 馬九 火所 直達 袓 上堂提唱 生節 百 傳於 印直 如地 焼暄 戍 嫩嫩 先聖 丈德 Ü 斯 源 目 行

乱 絃

能

保愛 盗 善知識出佛身血之徒豈堪共語未閒幸自 行 淫 而爲佛事劫掠常住結好貴人胃稱

#### 倡頌贊

## 示现上人

爾家一字之寶王星喻劫來無有二無今無 古無死生日日放光光動地釋迦彌勒是他 顛躓大千沙界海中漚況乃文章一小技此 便遭魔境累惡業猛火燒須彌長墮三途受 奴外道天魔總其侍隨時任運本騰騰蹉脚

心若善自知 非何處別求重實義

贈上天竺偉首座

則事無兩般不會則千里萬里各開户牖萃 台衡以三觀為正傳萬少以一心為直指會 英髦虎驟龍驤知幾幾上人間出多慷慨誓

> 將生死窮根株平生足跡半天下豈肯汨 男兒曠達有如此光明烜赫何代無光明短 便乃燒却鈔疏良遂參麻谷 文字海中甘作鑽故紙之蠹魚德山見龍 便乃散却 講徒 潭

赫何代無

送閛禪客歸淨慈

鎗其唇劔其舌劈面機電光掣蕩二三直指 之流蓬掃四七單傳之落葉爭如點坐 清風動嚴穴聞禪聞禪歸去來草鞋 人一字當年不曾說諸天讚歎復兩華千古 根 斷 一解空

塵埃南屏幸有舊界石何妨且臥雲濤 堆

示潔上人

皆空名迷頭認影不知歌 本源自性佛妙應無真形干身總幻相萬法 獈 一神靜慮而無爲似水浸石空經時鉤章棘 如飢喫鹽添得渇

**一 五** . . 六 . .

當人心眼開出葢纏脫羈鎖要行即行要坐 來九年面壁嵩山隈别無毛髮可傳授只要 句說道理癡狂業識徒勞耳老胡昔日南天 即坐南北東西無不可山僧與麽葛藤如邀

會麽會麽

山房自述

故園歸路隔天涯絕頂開房且寄家飜罷具

雪樵

多山月上一棚華影漾袈裟

珠霰飄飄柴在肩且謀燒火過殘年庭前此

際無人立爐內憑誰續斷煙 寄希白職主

雲接連燈分紅談遠茶點白華圓別後為誰 青杉高簇天仁者此安禪雙澗水囘合四山

語祖門玄又玄

悼通靈仲

還萬年院局雲塢竹塔面石峯蓮因想遊從 古令人所共如電閃青天一相不二相千年

舊閒心亦悵然

空華還結空果平白重重成話置深禪深禪

送勝 上人歸省方山和尚

沙客途雖好爭如家結束衣囊快歸去此身 自守箕裘躐縣遊州竟何益秋風滿眼多塵 徐家園裏莧菜根殺人活人妙無敵丈夫不 且免空波吒阿師心事吾所識天台寥寥眼

題水月猨圓

雙碧若問參尋事若何切忌當陽亂拋擲

水中明月輪可翫不可覓探後徒自狂觸破

寒潭碧

深源

四 五

紱

乱

大法之本根如淵杳無極趙州探茱萸拄杖

空靠壁

此時有院不愛住間在江皋自隱居劫火灰答竺元和尚二首

飛大千界普光心印只如如

出恩常不保入息年來況乃病猶多故人襟

義高千古忽枉瑤華到薜蘿

次韻答林首座二首

一房閒寄長松下殘喘雖留如病何爲報南

山舊玄侶幻華光景已無多

祖師門户無關鑰今古誰云到者稀完率宮

寄東嶼和尚

中恣遊戲對揚曾不負來機

相别於今八載餘君匡徒泉我閒居白雲流

水乾坤外終不相親在寄書

克跃三

<u>±</u>

## 經故人别墅

門徑無塵有緑苔東風落日舊曾來白頭道

有口莫與趙州茶有眼莫覷靈雲華吡盧心送亮上人歸用東

莽直須吒吒鬆影跨德山臨濟超彌勒釋迦衆生自迷悶合塵背覺成諸訛輒勿鹵鹵葢寶摩,保森羅總惟我十方刹土曾非他業海寶摩,保森羅總惟我十方刹土曾非他業海印廓寰宇令來古來常無差吳江裂地直鄭

人近傍不得直下如蝎如虵是為了事真衲拈一機明中洞邊示一境顯正摧邪千人萬

僧髙會金策遊天涯

道本絶方所隨緣觸處真家鄉元不遠父子送方上人西蜀省親

即 非 親徑蘇粘輕策江華拂淨巾東吳與西

獨曾不問纖塵

師殊讚

七佛之師只者便是形現百千劒去久矣

明藏主手製竹拂為惠偈以謝之

**翛然香且潔拈出幾人知節抱冰霜勁姿含** 

水石竒憐君能製作處我頗提持懸向繩牀

角因懷馬簸箕

悼靈座主

道不分年少朝聞夕可亡講精文徹梵吟好

句諧唐託質思他界遺骸厭此方台宗舊遊

在名共白雲香

送初西堂遊江西

由吳西入楚風雨正秋殘不愛住山樂豈辭

行路難 江 明齊鉢淨嶽靜夜燈寒為了文中

**肯胸襟肯自瞞** 

次晦機和尚韻送悟上人歸徑

بلر

嚴自丘壑兀坐贏得閒觀空上人何從悟玄 **瓦在固已無黃鍾雲曲豈混巴歌中石房處** 

**肯了知是法非文字高高解窮千例顏深深** 

錐卓歸去凌霄古寺間且聽松風城喬嶽 能極九淵底歲晚相看正搖落此身勿訝無

寄晦機 和尚

五年中老去頭毛白寒來樹葉紅所期 流落似孤蓬君西我復東二三千里外 盤石 一 十

上松月夜禪同

送張中丞北歸并斥

僧法之有叛於佛者一掃而刮絕之人神 大夫行宣政院使至之日凡政之不便於 大德八年十一月御史中丞張公以榮禄

七

札

四

敝

叟某說山偈以贈云悅和上下胥慶十年春公赴召中天竺野

之實珠一切塵泥不能染不出當人一念中大法之墙堑以勇猛力制羣魔以慈憫心拯大法之墙堑以勇猛力制羣魔以慈憫心拯救苦之墙堑以勇猛力制羣魔以慈憫心拯救佛如來無上尊其法充滿大千界從塵沙之實珠一切塵泥不能染不出當人一念中

强永佐金輪聖天子對揚休命恢此宗中亦無異人人同以此一念願公壽考康且

成就如上勝功德此勝功德既已成一念之

觀門雖別水滿千江月自孤從教入禪今古有從禪入教古今無一心三寄無維那七首

打四天下早歲何曾不講經文字波濤如大海竆源徒只困心靈德山棒

牛耕大海西天夜半日輸紅化儀無假無不假化法無空無不空陝府鐵

重玄疊妙雨交加病眼還應見黑華梁上爐

干諸法相但將黃葉止兒啼頂門有眼要須開莫待天明失却雞八萬四灰那是飯盞中弓影奈非蛇

聖猶迷懵八教闍教豈得知古德不離方丈内云胡庄上哭油糍三賢十

**輓大千界只應良遂是金鰶** 青天時兩講華新離却言詮有幾人教網範

中手頭短秖將掃箒畫蛾眉匡徒領衆知多少盡把龜毛拂一枝靈鷲山灰橫山和尚韻

一五二六二

栽松

鈍雙橫肩雪未消不辭老歩上 岩鳧等開種

得靈根活會看春風長緑條

示有上人

有身便有世間事心念如何得會無將滅止

生生止滅猶如水上捺葫蘆

示徒弟天故

真箇龍生金鳳子自然衝破碧琉璃池中鷓

鶶只癡懵脚下魚遊都不知

出隊寄歸示衆

益盂有口吞干界寶藏無局洞十方七佛以

前一段事相逢誰肯便承當

太湖三萬六千頃垂白西來把釣竿蝦蠏魚 龍都不見月明空照夜濤寒

欲洗勞生曠劫塵灰寒火冷旋添薪老僧别 也無他意只要當人悟水因

监觴能起滔天浪輒莫隨流便入流合眼跳 黄河舟中示善藏主二首

來開眼看要分清濁在源頭

東湧未停西復起憑君且勿怪黃河五千餘

卷毗盧藏早是無風币币波

草堂陵藏主火浴牙齒數珠不壞堅

固尤多因為說偈八首

火令孤煙息悠然見本真金精都絕鑛 逈無塵不住光明藏非離穢惡身天**魔難**測 珠瑩

處幾度劫華春

幾生心烈燄終難燎飛埃豈易侵古藤人去 幻體雖空了光明在聲奉冰霜一具齒鐵石

後寥落到如今

四一九

紱

能

龍

顆輪珠念念總無別心心寧有殊金剛同不三十有一歲精修世少知五千編貝葉百八

壞歷歷照昬衢

我名誰石女夜懷孕木人朝養兒本無形與此日茶毗畢因君笑復悲生來誰是我死去

相何處有虧危

後清芬騰古今惟一心芙蕖敷覺海蘑蔔綻禪林劫火洞然東西諸祖塔曾巴徧參尋般若謾多體涅槃

悟了空王法乾坤任去留偶為雙徑住又作

九蓮遊月冷金臺夜風庄玉沼秋鄉關楚江

上誰爲話踪由

境界中諸塵無隔礙衆法盡圓融 | 齒閒皮出生兼入死此事本來同常寂光明裏真空

袋何曾是我儂

壁

Į

去令我獨悽然夜修禪解脫華同綻菩提果共圓胡為先我破屋孤峯頂因思在去年分香朝誦呪聯榻

山居二首

山水交柯莎滿庭馬蹄且不汚巖局篝燈對

狐松長自青 驗病多常怪藥無靈金園一歲一牢落誰似 雪坐吟偈擁裓繞泉行課經賺少毎知茶有

户野猿嘯日晏摊象山鳥啼積世詩書空簡小榻新營巖瀑西白雲無路草萋萋月明烏

古令人自迷。然界朝墳墓只田犁邯鄲驛店一炊黍堪笑

中山

人外邊覓却從平地起峯巒四方八面絕躋攀直下孤危透頂寒多少時

冰輪夜冷水天空萬里清光一權中七百高

僧撑不上黃梅贏得送盧公

贈日者

年今八十有三歲來日難侔去日長為報請

方無別說木裁直裰是行装

贈醫牙道士

牙齒分明一具骨十中令只二三存先生若

不重裁種老去如何咬菜根

示襲鋸匠

萬物與我同本根隨心所向悉皆見當機

截心手忘一片由來對一片 示寫神黃德中居士

空華影裏人天相石火光中驢馬形歷劫分

明至今日如何描貌上卅青

是端上座頂相你向什麼處分辨德中問 措再示一偈 徑山老漢在裏許不在裏許師云盡大地 因書前偈畢德中拱手而問云正與麼時

千身彌勒牛擎角八臂那吒馬踏蹄一相之

中一切相僧繇何處辨東西 示刀鑷金生

得洞天地試聽金刀為舉揚 五蘊山頭一段事黑漫漫又白漫漫圓光要

送瑩上人廣州省師

禪者流非尋常當機著著須超方一語一點 之巓羅浮之址彼兮此兮無是不是師也資 場三十四老尚非侶肯與浮世爭茫茫徑塢 兮解脫光明之藏一出一沒兮神通遊戲之 也殊未忘概卷寒雲二千里虎縣龍馳相見

藏

## 時行看平地清殿起

### 間難思議

但見五峯秀色黄崒摩青空下有跋難沙竭錢塘如練紆其東重巒疊巘不知幾千萬數雙徑在呉制實為山之雄天目如屏擁其北

是於國家自雲蒼狗係變滅五欲驅馳兮驚嚴松朝開暮合無終窮祖師據之而難落 不羅實印明萬像真宗納須彌於芥子卷法 不羅實印明萬像真宗納須彌於芥子卷法 學於鍼鋒皆本源自性之常分且非妙用并 中說法至今猶未散天華如雨飄空濃噫四 中說法至今猶未散天華如雨飄空濃噫四 中說法至今猶未散天華如雨飄空濃噫四 中說法至今猶未散天華如雨飄空濃噫四 中說法至今猶未散天華如雨飄空濃噫四 中說法至今猶未散天華如雨飄空濃噫四 中說法至今猶未散天華如雨飄空濃噫四 中說法至今猶未散天華如雨飄空濃噫四

今其將曷從為財浪常撞春荷非冰懷雪慮而栖禪此地

因上人求字於予字曰蹣之仍為說

倡

在昔滿巷公曾居淨因寺廓徹賢首宗洞達

吾志 不昧斯言古人豈難至祖肩擔大法行看契 因欲以何為字吾字曰蹦之慕蘭乃其義倘 西來意五教一喝分光明照天地子今名淨

**曈曈如月團團無壞無雜影現萬端作是觀** 者名為正觀若他觀者名為邪觀 因綿有瞞人自騙非即非離透膽光寒如日 此摩尼珠常照世間謂從經出特地颟預謂 清首座拭經火綿得舍利請說偈

兹清且明光影兩和叶照古復照今瑩徹百 不相洽胡為蟾與泉彼此相含攝由彼蟾之 明蟾天上飛與此不相接清泉地中行與彼 干劫偉哉公允公亭扁竟高掲使人登斯亭 明萬像悉昭晰由彼泉之清纖塵難污雜以

**憑欄洞眉睫心源常若兹逈脫黑暗業** 

已茅屋坐化得以悼之

年一茅屋從教業火自開維 圓明質性絶修持亘劫何曾有壞時五十八

静軒

日無人到只有閒雲伴寂寥 六戸虚疑湛不搖從教塵世自諠囂皆前盡

海翁

窮盡波瀾絕一漚餘生甘自老扁舟四溟高

队月如晝閒把漁養枕白頭

月印池亭為廉公允同知賦

至

示心上人

即心便是佛離心別無佛外求有相佛非汝

本真佛

示圓覺居士

性覺本圓塵塵無礙諸佛祖 師别 無三昧

厳

能

# 擬寒山子詩四十一首

妙無比棄之而別求機巧說道理非徒誇宗 百千諸佛師只者心王是廓然舍十虚靈明

出家學參禪只要了生死生死不了時非下

乗亦乃謾自己

別人事疾病被他牽强健被他使推尋不見

他無名又無字

盡啼哭溢窖堆金銀盈箱疊珠玉只知丹其 權門有貪狼掠脂又剜肉一已成喜歡千家 穀不知赤其族

此箇血 暫包裹中有實覺王常居法空座相逢不相 一內團也須識得破飲食聊資持衣裳

識永劫成蹉過

泉歷歷婚听四面山磥阿一拳石高眠百無 何事居此中此中絶塵跡盈朝霧濛濛竟夜

憂任你春冬易

城中 珊瑚鞭常騎紫骝馬醉倒春風前三日不相 一少年容貌如神僊身披火浣服手把

見聞說歸黃泉

吾家有一物出入身田中越渠渠不去覓渠

**集不逢賬渠果不富劫渠果不窮圓光樂萬** 

像如日遊虚空

復攻是一朝兩眼閉送向荒山裏蓬蒿穿剛 形本無其形分彼復分此名本無其名攻非

**髏誰管他與你** 

昨日東家 死西家溥冥財令朝西家死東家 Ī

陳真杯東東復西西輪環哭哀哀不知本真

性懵懂登泉臺

復買完善果無二三惡因有千百他日間王 近來林下人多學學中客養婦兼養兒買田 **二 X** .. 六 . .

前恐難逭其責

**昇紫霞一朝兩脚儡骨竟沈泥沙前路黑如** 古今學僊者煉藥燒丹砂七龍兼五鳳期以

漆苦哉佛陀耶

四千門顯此本有性隨彼衆生根似剱斫虚 佛以慈悲故金口宣金文三百六十會入萬

空何處求其痕

大所宜若使堯牽羊而令舜鞭之羊肚不得 人生在世間其才各有施大非小所堪小非

飽堯舜空自疲

田園草含間男女每團團摘果謀供客繅絲 備納官婦憂夫貌悴母憂子身寒一箇溘然

死號咷哭繞棺

沒窠臼世間多少人聞法不聽受騎驢更見 心為萬法宗萬法因心有心空萬法空生死

驢颠倒亂狂走

有婦吃顏色)折華吳水春繡裙金蛱蝶實帶 玉麒麟窈窕言無敵媽婷謂絕倫誰知楊氏

女骨化馬嵬塵

木落湫水寒干拳正岑寂惟聞虎啸聲不見 人行跡霜露濕巖莎月輪掛空碧此時觀此

心獨坐磐陀石

世有無上寶其寶非青黃在人日用間皎潔 明堂堂萬像他為主萬法他為王與他不相

應盲驢空自行

苦鬚白鬚毛衰 名利是何物人心自不灰樂來終有辱樂去 可無哀富塚草還出貧門華亦開耕桑枉辛

可以入智士登涅槃癡人受轟事本身盧舍 生知生是幻則生可以出死知死是幻則死

四二五

故

龍

ዺ

那只要信得及

陀彌陀爭奈何 森干戈真佛自不信喃喃念彌陀饒你見彌 世有一般漢實少虛頭多口中一片錦肚裏

浮世空中華只今須勦絕四蛇同篋居兩鼠

共藤齧六道常輪廻三途每盤折一生百千

生何時得休歇

亂黃鐘運去虎為鼠時來魚作龍賢明貧轗 今古一場空憑誰較吉凶巴歌攙白雲尾缶 軻癡騃富雍容

偃仰千巖內超然與世違采芝為口食 紹槲 作身衣瀑水淋苔磴湫雲潰草扉閒吟竺偲

滿肺肝聲為聲誑惑色被色欺瞞欲脫輪廻 人生無百年業累有千般姦詐盈腸此貪婪

去如斯也大難

燈器暴嚴華春不開潭冰夏方釋住此夫何 山中高且寒人军來登陟松搖雪珊雅聲

為心源湛而寂

我住在筝頂白雲常不開應扉沿薜荔門徑

疊莓苔山果後偷去嚴華鹿獻來長年無一

事石上坐堆堆

操人薄難憑託天堂是自修地獄非他作何 紙薄未為薄人薄方為薄虎惡未為惡人惡 方為惡虎惡尚可防人惡難捉摸紙薄尚可

如早皈依如來大圓覺

不知處人生能幾何剛抱千年慮芭蕉欲經 東海揚蓬塵青山作平地王母蟠桃華迢遙

磨甎不成鏡掘地難覓天如何苦死坐要學

冬秋來早枯悴

報爾參玄人及早須猛省 心佛皆虚名浮生 只俄項莫待無常來臨嫁却醫瘦 寸舒之彌大千耆婆不得妙烈火開金蓮 如來禪欲識如來禪歷劫常現前卷之在方

輒罵佛佛者覺義也何必苦罵之古佛去巳 我笑一種人平生好輕忽讀書不 曾精開 口

久馬之徒爾為覺即覺自心常令無染污寳 別心此心若不信六道長漂沈西方大聖人 月琉璃中光明洞今古心外無別佛佛外無 況乃孔丘語吾儂非謬傳你儂須聽取

祖師鐵牛機虚空沒關鎖須彌上搖船大海 裏燒火放去非屬他收來豈存我咄哉啞羊 僧如虎觀水磨

風飕飕與鶴作鄰並野鹿為 高高峯頂頭閒寂 無人 遊煙雲日夜起崖 朋儔渇 酌巖 椡

> 苦火燒髑髏今生不了絕更結來 桓倚松坐俛仰時還休逢春恰如臘 如秋長年沒羈絆終身有何愁東 水寒拖麤布裘捫蘿陟危嬌趾石窺 生雌 西市鄽子 在 遐 夏常 陬

因果歷然如指掌顧預莫謾過青春皮囊出 衆生所抱病根別諸佛因談藥味殊別亦不銀衝屋棟到頭難免北切行 真殊亦妄妄窮真極本 人生在世有何事日用但教心坦平珠與金 了又還入六趣茫茫愁殺人 如如如

見有人去不見一人曾得回 天上日没月又出山中葉落華還開黃泉只 當人早早宜自修歡樂何曾有終畢長安陌 業風鼓擊枯髑髏貪心如海不知足諸佛悟 上貂錦兒祇恐無繩繫白

扎

之登涅槃衆生從此入地獄

事過都是空事來本非有請君聽我言莫欽

無明酒

觀音讚二首

三十二應身十四無畏力如日遊虚空何處 **f** 

有蹤 跡

籃裏錦鱗活鰠鮾地提起便知早落第二

題羅漢圖

處有蹤跡却被人傳作畫圖 **諸諦空來世所無神通百變絕名模不知何** 

題牧牛圖

誰家荒疃連平原何處孤村帶喬木官田耕

須菩提尊者讚

盡牛正閒且對東風弄橫

玉

雨華曾動橋尸迎讚歎重重世稀有可惜手

中麤刺藜當時不與劈脊樓 賓頭盧尊者讚

神通妙用總饒伊我且分明一問之手策眉 毛不曾放何如煩惱未空時

寒山拾得讚

作倡吟詩既村且野謂是文殊吾不信也

燒火掃地掣風掣顛安得佛世有此普賢 朝陽穿破衲對月了殘經讚

者一竅冰輪飛上大空庭白如畫此帙偶未 線澀眼正昏俄逢太陽照冬來天正寒 且補

終非貪數黑豆

達磨大師真讚二首

長江十月浪滔天脚踏並蘆去如箭闔國人

追不再還爭如莫上梁王殿

震旦來求大乘器分明杓小聽虛聲當時幸

赦

遇梁天子得脫渾身出鳳城

鼓山晏國師真讚

聖箭射入九重城曾郎憐兒不覺聽南國攪

大慧和尚真讚 得沸如湯大地山河顛倒走

齊一宗由是大與於世豈趨冥養暗小根魔 黃面老因之倍增光彩斷妙喜世界如陶家 眼葢五天曾吞四海碧眼胡以之不直分文 輪置須彌盧於蝸牛角上無不得大自在臨

中峯和尚真讚

子所得干兇

巍巍堂堂障烽煌皇言無舌而充塞乎五湖 四海名無翼而軒為乎九有八荒其廓徹也 似備頭陀契機雪拳之毬室其痛快也如忠 道者悟旨佛眼之磨坊由是四十年不下西

> 與森羅萬像同一敷揚斯所以鍾普明一門 天目即青山白雲為寶華王獅子高廣之座 之秀聯慧朗三世之芳也

断崖義首座真讚

天目之白雲不白天目之青山不青只者是

渠真面目莫聽斷崖流水聲 東嶼和尚真讚

蓬塵於海底摘楊華於火中其妙而不痕也 西丘三世之重南宕一門之秀賴以獨存其 明水大羹其純淡也渾金璞玉其粹温也揚

祖肩擔荷之功尚何言也

藏臭不設藏臭門庭祖大慧不識大慧機變 福臻手眼既通身切忌隨他脚跟轉 心直如絃性急似箭觸著則發無背無面父祖亦在恭時長老請讚以下師自赞及六

棍

# 隆教銘長老請讚

直須燒却此嶼三世十方空蕩蕩是論非轉增到妄古鼎長老要作他家兒孫謂是徑山本無此相謂非徑山今有此相說

五祖意長老請讚

照夜寶炬即此為濁惡海濟人 將真實兩字自謂高出諸方即 從渠既久知渠肺腸要須別資一路却成大 非 沙欲成佳饌 非馬百無所長三十年間四坐大林 **添瓶擬填** 末法 無底之飢 舟航 此為 黒暗 譬如 瘡庭 煑 崖 只 栢

樹與世作陰涼

鏡中居士請讚

**離與衲僧為妖為孽三十年四者戲衫皆諸松其皎潔也碧落無雲之月共佛祖若仇若處世甚疎謀生至拙其天矯也青山有雲之** 

方之所不悅鏡中居士菴提遮知心豈在多

饒舌

山須是者箇瞎秃 有擒虎兕機謀無辯龍地眼目坐斷天下徑 徒弟惠玘都寺請讚

慈侍者請讚

情偏與衲僧作冤對稱大慧嫡孫直是令人时耐當機些子不容不無所長眼空當世厭鈍應山點污臨濟言

慧文正辯佛日普照元叟端禪師語録卷第三

音釋

阿泉石貌叫號眺哭聲 娉婷上四正切切音裸磊心徒刀切音陶娉庐上四正切之繁一首举山峻貌码石與磊同下唇果毛中西底秋切音囚爆町上唇倬切音型手有足曰蟲無足曰等重髦士中之俊如野火几切池上聲蟲等更莫毫切音毛俊

意文正辯佛日普照元曳端禪師語録卷第四 嗣 法 門 墨 靐 巖 縞 四

題 跋

#### **題**聖 凡 |融會圖

設教故彼 觀皇 為 於治三聖之同同於善 通 迦文以神. 幾乎聲聞 由 形 極 跡 讜議三教 道 論 此 有殊 設教故 之彼 四諦 申 之 此 可一其斯之謂乎因陀羅 作 不 性 幽 一命言之 得不 冊 書曰 明 一利人也文中子曰 無 分伯 為 間 仲尼 鲴 道不 陽清 明 不 同 レノ 得 淨 同 人道 懿 無 不

此傳記 号 亦文中 所 載 耳 子 目 ·之意耶 所 接 瞬 雖然世之覽者切 明 彼 此之事筆成

八圖索駿

璉 在宋為禪門碩 題英宗皇帝手詔 德仁宗賜以龍 洎蘇 子蟾 小 脳林 帖

> **砰**紀述 羅浮與 不同其砥節礪行守志不回上棟九重明主然豈知當軸有欲殺意乎噫彼儒此佛雖冬 作 之 盂 育王山其後莫得聞者 下激萬 也繡衣持斧為南海詳 由是如希世之寶焉眉山 詔璉 書求示其詳莫得聞也 璉 調 調駭 其詳 ıΈ 非 世 輔 佛 頹波誰謂 人耳目 儀 相别 习 得 尤 ع 聞 輒 對 内諸 久其 也英宗賜 其果 人皆共 中使焚之蘇 刑 鍼線 璉後 使 小 程 不 帖 者時文忠詢 ĬĿ 同 一輔文忠: 親什襲至今 坐蜺 包間蘇文忠 以 所言啓然陶 耶 任 性 文 四 忠 外見 住 明 阿 居 絃

題徽宗皇帝 墨賓

無 朱有天下第八世大柄日移 昴 由尚書左丞登門下省進 靜之節區區為 二子行 無審諤 請 庶 艥 政 名 日 بخ 미 解 忠 謂 時 退

古商監 炭此礼獨流傳至今脫或掛之太史實爲千 人長驅汴京矣宗廟既淪禾黍生民亦陸塗 **聳觀** 臣乎祐陵親御翰墨批 膽 禄 位之冗莫甚 於斯 其 謝 者又 辭 龍 六年金 翔 鳳 翥

神安樂公謂曰汝與 午後至寺晚珍罷會同袍二僧關 印 司凡新到例遭斥逐師深切疑訝後數年蜀 庵始登雲居時 登雲居時先一 此 夕宿瑶 尚入院 ہلر 秖有 佛事遺養 田庄夢伽 粥 很 、聞於寺 緣 明 藍

滅 庄 師補處師欣然承命將復徵往夢竟至瑤士有宦達於朝者與師親故以雲居虛席は 定業 縁於斯二者即庵可無懷矣癡絕以 而 寂 能 佛 知諸 能 空一 有 切 性窮億劫事而 相 成 萬法 智而 不能化導 不能 福不 請 田 卽

> 藏主出 **屬教門重輕豁** 址 **逮慧馬慮重** 得不 稍戢芒銳云 其入院佛事真墨為示余謂 加 此達空 撥 粉 飾 何言之小哉番易克貫 因果妄謀進 取 址 者觀 紙 有

跃 張紫嚴及圓悟宏智諸老墨 跡

得法髓苟 **敏引朽腐街位磨滅覽者固難** 於大法豈小補哉師祖 紫巖 作者蟲豸重誓故偈末因 出世齊北一宗由是震耀天下兹偈之寄其 於忍泣故公造 歽 刑 日 時圓 述塔鉛與 月 張魏 證 悟大師 之 洞然無復 不出無支臨濟宗者叮嚀再三至 公為宋南渡第一人物其宣撫 小谿雲門祭文及 朝首以徑山奏請大慧師祖 祖當把其手屬曰果首座真 餘 平生痛 蘊矣 以肯出頭否語 圓 事韜 圓悟 曉解今以公 悟 為 臨終録 隰 晦 有 州 四 諸 不

四三三

最此祇夜伽陀耶何掎摭星宿遺曦娥也得廣傳無盡燈之寄豈當時未有魏公張紫題品詳悉獨無一語及力扶聖主作中與嬴世孫跋語威稱隰州雲達月權沙鷗旅鴈皆世縣既邪禪尤大慧所深武天目為圓悟五父行大慧與隰州並化四明當時號二廿露

寸其光可並明月世之見利忘義員大恩不隋矦牧而活之其她後含一珠致謝其大徑蟲類之毒莫如地人皆知惡焉昔有她被傷 題趙伯駒畫隋矦救她圖

之以為能事趙伯駒豈無激於中而然耶報有愧是虵治多矣而人不知惡方於之騁

之詳矣令觀燕寂遺墨因寄意云律中麟角大智老人為宋僧一狐之腋四明顏聖徒評題照律師遺墨

不心悅誠服其平昔以彌戾車執迷自昧者 時立朝如韓雅圭富彦國田況趙 盡也靈隱 聯入藏使與諸佛修多羅同為萬 天子覽其書賜號明教大師詔付傳法 靈高公禪師由永安山中抱成書奏之天子 真揮索金一新板本以壽天下後世其於教 由是悉皆從風而靡 法豈小補哉 功不可磨也劫波可盡明教此之勝德不可 井蛙 者一字值千金五濁波濤海何 海日用不知者嘗欲致瘡病於吾佛教法仲 古今之極論也宋皇祐間為時咎冰拘堪頼 一不可語海夏蟲不可語水莊周之達言 題靈隱寺重刊歸津文 所刊文集年深損壞天台耆宿志 劫石 可磨明教 集後 人識 世 抃諸豪莫 业 、此之大 耿 وفير 光當 院編

高 前 山所藏蘭亭并無禪諸老墨

跋

跡

墨無禪則戒月孤高見地暴白由前山翁嗣 亭又其得意者耶吾宗諸老在道眼不 能躍天門虎臥鳳閣梁武至公之評也 在翰 一況蘭

波瀾放肆者也佛慧佛心木翁輩行雖不同 其法知焉雪嚴則禪門巨擘有向上爪牙而 則與 前 山翁 阿頡頑 西湖雄席間膠漆其情

金石其義死生以之固宜 題曇藏主拆襪線集

以拆襪線欲補 人矣殊不知 我王 此 庫内 向上一竅其膽氣可謂過 無如是 刃

題浮 山遠 禪師 小帖

師始參葉縣縣門庭唆硬衲子畏莫敢近時 天方雪寒既水灑之又挺逐之師志益銳言

> 難色因僦屋而居託人願求隨眾入室縣亦堂大怒其事坐僧堂前佑衣鉢延出院師無 萬一師自號柴石野人以其通曉吏事或稱 復笑曰子真有意參禪令人與歸未幾遂 意誇戰蜂起恨不誅之如仇視師宜如 然大徹光明至今燭天今之獨道人稍不 余嘗想其人不可見今觀此小帖 苦枯淡縣偶出師取油麪作五味粥 不許後徵索僦屋錢師持 縣笑曰子却要參禪遂得掛搭後克典 曰其甲數千里特為此事而來豈以水 鉢 以償縣 亦足 縣 出 (座衆 歸 挺 見之 何哉 哪慰 赴 協 浩

題東林十八賢圖

绿公云

晋室上崩瓦解卯金傍晚懷竊取神器之心 陶靖節寄與於酒謝靈運託志於詩因與馬

四三五

統

能

能

門大士同結淨社於九江廬阜之間共其事 其可無感於中哉 者凡十有八人斯時也果何時也未李伯時 以筆端如可三昧摹寫普示天下後世覽者

題華光墨梅

有之矣簡齊云意足不求顏色似前身相馬得其精而忘其麤在其內而忘其外華光其 九方皋肯哉言乎

題龍頭

頭角崢嶸非懷握所玩風朝雨夕宜常宣吾

佛無上神咒以呵護之霹靂一聲恐掌天飛

去也

題 圆悟帖

高皇幸江都時圓悟由金山詣行在所一日 遣使者八輩請悟就殿說法敷演簡徑奏

> 撥退皷居寺之東堂塔碑載之詳矣 對明白皇情大悅當問所居金 山惟師擇居之詔遂遷甌峯祖席時高庵 大江多風寒恐老病浸極為對因有天下名 金山和尚以窩蜂懷持江心因以病辭當是 圓悟是圓悟者非高庵此乃二家宗徒事也 山而堅趴不起故形簡牘如此不然何言其高庵既立僧之後未華頂之前有旨補處金 悟退院上堂與臨歸蜀小參略曾及云今屬 在東塔甚安穩也禪門寶訓云同高庵者異 山何如悟 此帖 謂 و 以

浮圖往往引以為故事以藉攘奪之口豈果 知 古人 也哉

題紫巖張魏公所書心 經 後

唐太宗以般若辭義浩博卒難究盡玄奘因 縮大為小譯成此經以便觀覽紫出張魏公

不生不滅般若清淨心體思陵二百年中與 之業何由克成今觀經中所書勁正之氣與 思孝兩全為宋南渡第一人物自,非明悟 南嶽爭高當不在王逸少遺教經下也 **跋癡絕所書草堂法師示道璋書授** 此

不正則其涉必迷斯二者所以常相求而不 涉也傳者其源流也源不清則其流必溷津 斤之質無運斤之手則其道不知知者其津 有運斤之手無受斤之質則其道不傳有受 其徒惠派

末茂光明後偉磊落掀天地亘萬世者豈外 相離也西天四七東土二三師勝資强本深 其書受斤運斤可謂至矣源清而流溷津正 運斤受斤可謂明矣癡絕之於惠派也咄咄 此別有旨意哉草堂之於道璋也諄諄其言

而涉送吾不信也

身末法之中隨其顛倒所欲而誘掖之楊文 西方大聖人嘗慮正教湮微命高第弟子應 公大年修傳燈録敘正傳傍出外別收應化 題襲翠巖羅漢圖

昔孔子作春秋以一字為褒貶太史公志貨 非胡與元所能歧及融也襲也愈其誘掖正 作十二相雖出於老融脫略筆墨畦徑則又 成圖使賢愚一目皆了樓大參謂老融惜墨 教之功豈止契合佛意與楊大年爭衡而已 殖傳滑稽其褒貶雖若稍異鞠其指歸亦豈 有胡直夫西蜀則有元上人今觀襲翠嚴所 如惜金蓋言其精如此傳融之學者四 聖賢其得之矣宋南渡有老融者由汴京棄 儒歸釋以筆端如到三昧取應化事跡畫而 明則

能

龍

#### 異哉

# 書大慧答常禪師書後

## 題毛氏放龜圖

## 書鏡嚴頌軸後

之歌乎鏡詠乎巖豈止是而巳耶其明也若彼其高也如此既復名之又復實嚴院同章公鏡巖推斯二者位乎僧省之間嚴院同章公鏡巖推斯二者位乎僧省之間

詩之召南書之說命孔子昔所剛定也皆言

題梅詩十君子圖

歌述諸章句皆言其華而不及其實世道不 古人心益薄且偽其不敦本也類皆如是予 者誦召南讀說命習孔子之業者也形諸詠 其實而不及其華由深何遜至唐宋十君子

題四皓唱歌四之鼓腹圖

觀是圖切有感焉

鼓華胥之腹山林朝市雖各不同其求志自 適未始不同也雪寫晴玩令人遠想既然 西秦鹿失四皓唱藍田之歌東晉土崩四之

題雲巖語

誤服 傳舊方宜急付烈燄聚中庶免後之來者有 雪嚴老禿以自己煎過藥滓欲起世人膏肓 必死之疾其危甚矣耀禪人偶收姚居士所 餌

題癡絕示衆墨跡

龍門佛眼云是身壽命如駒過隙何暇開情 且知鷹窠元有鏡容十二面也 四句作日用警策非獨一大藏教皆成剰語 妄為雜事迦文老人最後決定明訓莫過此 處徒弟帝墨嘗典鍾山藏鑰但以龍門最初 隨聲逐色禪流一時墮在葛藤窠裏無出頭 也玉山癡翁舉以示徒從而忉怛再三致使

題過水羅漢圖

怪狀為過水羅漢圖俗工効颦由是徧寰宇 住壽命動天地飛行虚空舉念即至惟佛一 人乃得呵之李龍眠以畫滑稽作一軸詭形 一犬吠虚千孫喔實信然

昔拘留孫佛於竺乾造青石鐘頂類諸 陷衆寶其中可容十斛有化如 題子昂趙學士所書中峯和尚鐘銘 來 瞪日 天腹 出没

四三九

能

之記子昂之書亦將與此鐘音吼同不磨也 霜朝月夕常為吳淛夢境眾生作大佛事將 萬斤而成一鐘燈於寺嵒之後岡其化如來 智之妙殊勲勝烈非獨不在拘留孫下习住 禪苑則又高出天目西頂比丘志彰冶青銅 使聲塵所至登正法樓悟無生忍臻自覺聖 東南第一都會天目則高出古杭衆山 明宣祕演或聞不聞教典至今傳焉古杭為 獅品

孟子曰友也者友其徳也屹立天壤問豆萬書友山頌軸後 世不可磨皆莫山若也山之德也如是其可

題錢舜舉垃圾堆圖

視此為何如哉

及乎朱博蕭育張耳陳餘反眼若不相識

舜舉此圖其以畫滑稽遊戲者也當與柳子

垃圾堆而眇視之耶 在螻蟻道在稀拜道在瓦凳道在屎锅可以 學之與販陸魯望之盡化蘇子瞻之八 機軸於世豈曰無補蒙莊謂東郭子云道 龍 物 同

蟠根錯節不足以别利器把梓連抱必有數 忘軀之士負大經 之詩詞高妙者有之翰墨飄逸者有之非其 寸之朽其斯之謂也當其梅衡二陽時為法 虧亦豈傷其耀古騰今警聰發聵者哉不因 疲厭 若千雷震地阿修羅手乾闥婆城雖不無蔽 大慧老祖在宋南渡光明如十日麗天音吼 平生道眼明白高出死生之表能使之不自 者故偈語有識得玄中玄作得主中主之句 如此東呉明大禪葢參徒之磊落傑特 題大慧示大禪法語 論者有之博極書史者有

雷電之夜宜謹視之愿官六丁負之而超五 後乃繼踵五峯今此紙為靈隱慈首座所藏

濁世中不復有此法實也

題圓悟帖

如是順物如是方便此菩提達磨十萬里西

侔一鼎之沸高皇以兵馬都元帥即位南京 極頂目者優游禪悅究明生死大事法席之 弘覺舊例遣化五十員豐糧食贍齋孟使八 行幸吳會圓悟老祖由金山得請雲居能循 來悲誨邊隅家法也當黏罕陷汴四海九州

本矣後生晚進以世俗簡牘術**醫者其可**得 盛至今傳焉視碧眼胡如上格言大訓真不

**販覺範寄黃檗佛智禪師書** 

與此帖並案哉

大慧老人黑暗崖照夜之火炬也濁惡海濟

嵒之板揭洞上密傳之榜排鄭尚明黙照之 竊見百禪師傳輒焚去者一十九人不知為 來一人而已今觀覺範與黃檗智此帖言某 非其以天下至公為無上大法施主有祖以 有曰明眼人前三尺暗其斯之謂乎 前單詞彩照暎禪門見地差訛豈能全免諺 生受地獄苦終不將佛法當人情燒乃翁碧 人之津筏也嘗自誓云寧以此身代大地衆 何意葢虎生三日其氣固已食牛覺範雖稱

書義山須軸後

朋友之義此乎十虚不足為其大此義也此 君臣父子之義萃乎五獄不足為其高師徒 山也仰之彌高鑚之彌堅瑭之在前忽焉在 後範圍天地之化而不過孱夫諂子執一 廢百日用而不知可得妄生脾睨者哉 而

四四四

龍

截

梅 隱頌 軸 後

起板築而為商鼎之調乎其必有以自處矣 為其别稱將慕逋仙 亮栗里之隱託菊以自逸十錦沈君以梅 託釣 伯 火ス 西 自 山之隱託蔽 顯 統締皓商 山之隱託芝以自高 以 而為親姑射之遊乎抑 自晦呂望東海之隱 亢

異道之書未有舍此所現而能歷金鏘 物上而竺墳魯典下而拜官小說乃至百家 首楞嚴云山河大地皆是妙明真心中 重 | 鐫蔡君謨記徑山遊題其後云 王震 所現

**東兩淋不二百年漫滅殆盡少林嵩禪師易** 杜叔元嘗磨崖大書昭於當時苔埋蘚剥霜 學士出守杭城其記兹山嵒石之竒峭水木 之幽茂自謂若覺而言夢信不誣矣連水尉 耀古今者宋景祐間莆陽蔡君謨由觀 文大

> 資代石重加雕鐫置之流止亭間與唐崔 元 不遠且大哉後至元丙子歲題 翰所銘大覺之道之德並行於天下後世可 以木板刊之今亦日就圯腐者宿惠洲

題跋

題張義祖墨跡

海宇寧一三登中書門下省於仁宗前嘗為 以圖固位由是時論鄙之義祖文懿晚子也 范仲淹極口開解謗識其事偉矣納女宫中 鄧國文懿公當宋有天下第四世君明臣良

行墨有晉諸王凝操氣骨得而不知寶之可 竟不一至所立卓爾賢於廼翁遠甚其引筆 所鴆 生綺統中五十年以曹畫自娱而不為聲色 張方平以宣徽南院使判散待之十日

乎

聚絕得法自在其汪洋行逸出同時諸老上 至若鉗鍵綿密機語切深視圓悟大慧應庵 對不無慚色个楫藏主所收掲示開禪法語 實際打臨濟則固是臨濟因甚却掌黃檗謂 與不無慚色个楫藏主所收掲示開禪法語 處辜負癡絕和尚總不與麼黃檗在鼻孔養 處辜負癡絕和尚總不與麼黃八知此毒來 處辜負癡絕和尚總不與麼黃八知此毒來

落深信吾法如雲愈張左藏何異鑽冰索火 个天下據曲录水以鍊爐步自冒者求一則 一古淡如自得已不可得況古淡如自得者乎求 一古淡如自得已不可得況古淡如自得者乎求 是本本以鍊爐步自冒者求一剛 是不下據曲录水以鍊爐步自冒者求一剛

今諸方作望塵態於形勢之途者何其陋耶壓沙討油哉焚香三復令人心意朗然囘視

大きないる。大きないる。大きを、大きまで、大きを

朝膜拜至三七日獲設利羅光彩奪目佛慧形質俱弊者乃得有焉昔康僧會於呉大帝祇節礪行於如來最上乗其圓明正性不與梵語設利羅此云骨身孔老之書無有也惟及則無範禮塔得舍利頌軸後之困無幾可無處焉

四四三

龍

之吾未見其已也其復昌乎鉤棘其句藻繪其辭鏗鏘之詠歌以利多至三十顆視僧會尤加竒偉佛慧命。由是大昌令饒城則無範膜拜不崇朝獲

蔣氏子書蓮經請題

院者其母忽一日一日一日一日一日一日一日一日一日一日一日一日一日一月一日一月一月一日一月<li

出村語增其沈痼干佛出世亦無如之何矣村僧之村阿伽陁藥所不能療諸大禿兵復

題舊作詩後

子四友皆成古人無可為太白殘月之配也真隔世事也況晦中明東嶼海古林茂商隱見夏口甕中之書張方平見瑯琊梁上之經見夏口甕中之書張方平見瑯琊梁上之經外慶齊萬峯出五十年前舊詩為示如房琯余令八十有一閉門靜坐日俟無常之至忽

卷墨跡

拳之激賞雪庵之品評咸不在熈豐韶老下 遠同知於前山翁其所書既已暗合孫呉五老詩禪或曰禪詩叢林至令以爲美譚今心 老詩禪或曰禪詩叢林至令以爲美譚今心 老詩興爲方外交蘇文忠嘗擘窠大書云琳

**踒一村僧帖** 

法性寬波瀾闊在玉山癡翁則固有之黃面

 販癡絕讚迦文項羽二墨跡

# 豈今人中果無古人耶

跋大慧墨跡

齊北之道至大慧如朗日麗天何幽不燭如寒雷破山何蟄不醒站站動其喙騰妬誇之縣者非盲與聾則不為也一時文章無於學執弟子禮如李漢老韓子蒼馬齊川張無垢輩駢肩累跡始不可悉說其光明後偉無垢輩駢肩累跡始不可悉說其光明後偉無枯輩駢肩累跡始不可悉說其光明後偉無枯輩聯肩累跡始不可悉說其光明後偉無枯輩聯肩累跡始不可悉說其光明後偉無枯達斯肩票跡始不可悉說其光明後偉

言議足以盡其所蘊耶 言議足以盡其所蘊耶 三議足以盡其所之間, 一數行取彼一騎一都尉引天之亡我非戰 下數行取彼一騎一都尉引天之亡我非戰 一數行取彼一騎一都尉引天之亡我非戰 之罪為辭由是而言若儒若釋至切害處豈 之罪為辭由是而言若儒若釋至切害處豈 之罪為辭由是而言若儒若釋至切害處豈 之罪為辭由是而言若儒若釋至切害處豈 之罪為辭由是而言若儒若釋至切害處豈 之罪為辭由是而言者儒者釋至切害處豈 之罪為辭也至

題意耶不然何跋慕之篤如此 慶尤以不一識為恨由是言之真淨說法非 受尤以不一識為恨由是言之真淨說法非 也人可比今方山翁所書二個特其太山一 他人可比今方山翁所書二個特其太山一 題方山和真淨二個 與方山和真淨二個

四四五

**跋鐵牛與淨人化檀越為僧書** 

龍

縅

僧籍身雖出家心不入道視鐵牛此語當縮、一、丹霞不市牒可也大法浸衰不逞之曹寫名、人人皆淨名麗蘊不薙髮可也人人皆老盧

**跋大慧癡絶天目偃谿晦巖斷橋象** 

頸入地

潭叔凱諸老墨跡

莫稱揚萬一癡絕見曹源天目見松源其法起濟北於將仆香水海為口蘇迷盧為舌亦天吾宗諸老非在筆墨畦徑間昭昭矣大慧新州樵者倩童子書壁光明至今如日月麗

聽法而泥團亦無权凱苦吟師浪僊而不及見孫據雄廉象潭嘗典惠嚴破院欲聚泥團中伯仲也偃溪晦嚴斷橋同時鼎立令皆有

者九皋集令在焉

**簸石田寄孟無庵辭世頌** 

題莊子畫像

漆園之文視老列最為奇峭其所譚道妙未

其肖像與胡椒八百斛金釵十二行大有徑始離乎老列也宣明養素真人慕其為人寶

題鹽官犀牛扇圖

鹽官國師道契主上名落天下黃栗分座說

今觀此圖雖是頭角分明若乃認以為實正 德備不在言矣其索犀牛扇話尤膾炙人口 如失劒刻舟 法其間李唐宣宗丁内難時嘗掌記室道大

異泉大道之流也朴翁學詩蓬居而青於藍 得意者蓬居事母以孝聞當時濟顛靈跡甚 風光松源三句註脚脫出語言窠臼滅翁謂 由鄧峯悟肯之後開口動舌無非歌詠本地 紫谿真逸楷法外兼臻草聖之妙此書恐非跋名公帖

其深得彭郎家訓豈必然耶

書子昂千瀬唱酬

詩 後

子昂此二詩韻高而氣清才長而工熟非韋 蘇州柳河東則不能為也昔相遇於錢塘解 **舍舉以為示當詰之云清淨安得有障子昂** 

> 將謂是箇翰林官人元來却是箇冠巾和尚 雖不全解一見皆略知其意千賴慣與子昂 胡盧一笑而罷子昂復云老母出某之夕夢 云厭垢穢愛清淨去 一異僧入室故平生酷嗜佛書禪門諸祖語 彼 取此是非 障 與 子

言詩不知曾言及 بالا 否

讚歎有分鷹揚虎視稱師匠者拱手歸降鷄 短能長能高能下能玄能黃龍蟠鳳 鍼鋒上拓開百千微妙法門能大能 題裁縫頌軸後 逸初 小能

足山中黃梅夜半又何足云

題堯民鼓腹

洞庭之蛇既斷桑林之稀亦禽由楔偷 日諸害皆媳怡怡愉愉咸躋仁壽於斯其見 至十

四 四七

札

道焜耀當世熟謂海翁其果亡與 您出此卷咸淳間南北宕諸君子恍然如見 您出此卷咸淳間南北宕諸君子恍然如見 愈出此卷咸淳間南北宕諸君子恍然如見 愈出此卷咸淳間南北宕諸君子恍然如見 小與海翁別令三十四年其的骨孫鑑上人 華海翁書記諸友贈行頌軸後

跋偃谿墨跡

意固偉矣殊不知迦葉波破顏微笑反居門堂命之欲其蟬蛻客塵煩惱怡然自家閫與天台宗徒西堂以所號為請佛智師伯以笑

之則流浪諸趣松江慧明上人發大勇猛施門關鍵也教苑精華也悟之則高蹈十方迷如上九部妙典諸佛骨髓也衆生命脉也禪如上九部妙典諸佛骨髓也衆生命脉也禪如上九部妙典諸佛骨髓也衆生命脉也禪外水療遭蹋正墮階前千古之下飜成笑具

饒益其功行可思議乎此無上法寳普為有情界中非器人等作大大精進於自己舌端放紅蓮華色光明發揮

題無擇頌軸

**伽黎倒搭和身臥柳栗橫拖信意遊不辨力** 

良階西庵復補虚谷之席昌公亦復以此為時虚谷在後板雲峯為不動軒主人後三十時虚谷在後板雲峯為不動軒主人後三十時虚谷在後板雲峯為不動軒主人後三十時虚公常以此軸請虚谷題為又六年子由本處之事與玉岡霖公所作無擇號鄙語也

**猶今之視昔悲夫** 請回視軸中故人十無二三吁後之視今亦

蜡畢之遊舞雩之詠於斯求之何異按圖索題孔門諸子圖

駿者哉從孟氏者常以曾子為稱首從荀氏 說互有不同九原可作吾將起此十一子而 者常以肝子為稱首二子皆出夫子各專師

### 跋瞎堂 一和尚墨跡

問之其必有以語我矣

瞎堂老人曾參雲嚴遜及起鐵拂者皆蒙印 可其心終不自肯至圓悟室中然後大徹有 焉大慧師祖在梅衡有傳其提唱駭云老師 **奮鐵舌轉關族之贈故禪林至今以鐵舌稱** 晚年有此兒耶遂以圓悟所付法衣寄之其

道人可窺測微禪此倡奚足涯疾其平生萬 所說超離情見脫略窠臼皆非承言帶句

題藏曳所作偃谿茶湯榜遺藁

四六非古也魏晉以降道喪文弊此作由是

其平生實在於此誤矣 首座得其偃谿茶湯二榜十襲以爲至實謂 歲家塾間為之素熟故智未能頓忘耳天和 興焉藏叟老人妙喜三世的骨孫臨濟命脉, 所係駢四儷六豈其責乎葢其天姿英發早

## 題羅漢圖

曠大劫為壽命隨意或延或促飛行水陸震 梵語阿羅漢此云應真一應斷煩惱瞳二應 動天地皆遊戲餘事惟其光空滯寂只知自 不受後有身三應受人天供養證此聖果以 諸賢想其儀軌寄之筆端如幻三昧使流俗 了不顧度生迎文老人所以深所訶責 知所跋慕今妄一男子隨例輒恣毀斥拘墟 而藐海坐井而 題香山九老圖 小天可笑不自量也 唐宋

四 四 九

札

札

白居易狄兼謨盧貞則少子三歲六歲十歲九老圖子今平頭八十胡果吉敗劉真鄭據仇老圖子今平頭八十胡果吉敗劉真鄭據依為時人所描畫今古筠圓上人示予香山商山之四皓竹林之七賢皆以不能深藏密

元統關達闡茂三月吉旦書於不動軒謂予老不知死尚復把人杓柄與時俯仰哉復乃署名其後安知異日不為他人所描畫

### 塔鄉

苦提達磨 最為蕃衍徑山元叟禪師大慧四 中土直接 而 東 南禪 派 刿 中 上根其後支分為二心印獨付於 以摩訶迦葉所得無上正法來止 順大夫秘書少監致仕黃溍撰 門之盛遂冠絕於 Æ, Ā. 而 宗風 大振 於臨濟至大慧 時 世孫 牧其子孫 也師

即

處

以記室相與激揚此事與虚谷陵東嶼

僧 思惟至忘寝食初祭藏叟和尚於徑 契其機者曳既告寂師至淨慈依石林鞏 於言下豁然頓悟一日侍次奧云我泉南 汝是甚處人師云台州叟便喝師展坐具叟 諱行端, 又喝師收坐具叟云放汝三十棒參堂 而其器識淵邃風負大志以斯道自任宴坐 十八受具戒一切文字不由師授自然能 好奧顏之即延 二從族权父茂上人得度於餘杭之化城院輒能成誦雅不欲汨沒於世儒章句之學十 然有厭薄塵紛之意六歲母教以論語孟子 母王氏能通五經師生而秀拔幼不茹葷超 師 云和尚聲曳便棒 元曳益其字族臨海何氏 入侍司是時眾滿萬指莫有 師接住云莫道無僧 世為 山奥問 儒 一去師 無

聞京國後三年癸卯特古賜慧文正辯禪師

皇慶壬子遷靈隱有古設水陸大會於金山 當久廢之餘師為掛門榜而正鄉利之侵疆 治殿宇而還叢林之舊觀皆出公外護之力 主中天竺開堂之日公率僚屬親 中書平章政事張閱公任行宣政使首舉師 臨座

嚴云獺徑橋高集雲峯峻未識書記在師拍

云兩制嚴云因甚語音不同師云合取臭口

承天復夢雪嚴飲公於仰山嚴問何處來師

獨有寒山子師竟不渡江而謁覺庵真

公於

横州珙公在育王以偈招之曰寥寥天地

間

隱山水清勝往

掛錫焉師當自稱寒拾里人

海晦

機

(即東州)

永竹閣真為英逆交尋

אין

靈

手云鴨吞螺螂眼睛突出最笑顏謂侍者點

好茶來即送師歸蒙堂居三歲而巖逝乃還

**制右虎巖伏公時住徑山請師居第一座既** 

而退處楞伽室擬寒山子詩百餘篇皆真乗

四方衲子多傳誦之大德庚子出世湖

之資福伏公加盛禮凱師唱其道師微笑而

辦香酬恩卒歸之藏叟焉學徒奔凑名

流注

率白于宣政行院請師補其處泰定甲子用 拂衣去養高干良階之西庵至治壬戌徑山 深契上衷加賜佛日普照之號陛辭南歸即 虚席三宗四衆咸謂非師莫能荷負其任相 有名德得師而其道愈光師當勘一新到僧 **體而來以得見為幸徑山自大慧中與後代** 而慕其道者鱗萃蟻聚至無所容歲機皆裹 凡三被金襴袈裟之賜二十年間足不越圖 使院闔詞奏請為降璽書作大護持師至是 命師陞座說法竣事入觀於便殿從容奏對

五

乱

飥

黃河徹底清即且置平質地上道將一句來 師 僧擬 撰禪 壬 石 便 何 祈 喝又勘一 開口 破 和 方 你腦 如麻 聖者甚處靈祇僧 師便 門盔盂池浸 似栗參堂去又勘一僧云棋紫 僧云擘開華嶽連天秀放出 打其機鋒 爛你脚板僧擬答 峭峻多此類師 云臨朕堪師云 以 社

其取重於前輩如此師生於朱寶祐乙卯佛 接獨遺師以詩曰能吟天寶句不發領南 **九精絕古雅** 未始自街意漠如 望為朝野所推服薦膺命賜人以為祭而 師之利他皆陰為之沒齒不言而其道德聞 行天下大公之道為藏叟之的傳一人而已 呵吐怒罵為門弟子慈切之海以不近人情 躲後一 日以至正辛已八月四日終於徑 石 田林先生隱居吳山不與世 龟 暇 日以 餘力施於篇翰 師

**溍黍從章甫逢掖之後未** 琦中天竺祖銘等狀 蜀漢間者若干人其上首靈隱法林本覺梵 蔔之香嘗醍 子岩 焉有去來冰 來者侍僧無語師良久云後五 幻有精舍四會說法語有録 全身突於寂照塔院 而化龕留七日顏貌 夜分沐浴更衣别衆趺坐書偈云本無生滅 山之丈室世壽八十八僧臘七十 舍寄同諸苦源來者不來者如何是來者不 日示微疾問侍僧云呼之曾已休吸之尚未 庸備著狀 千人嗣其法而 翻之味 所述為之序 河發燄鐵樹華開投筆垂 罔知 師行業俾晉書之兹碑 同時闡化於吳楚閩 如生以是月十一 而 分爪髮建塔於化城 洏 所 能於宗門中齅蒼 行於世所度弟 衉 **ソ**ス 日看越四 諸庶幾不失 措其頌美之 六其 日奉 一足 先

巍大慧垂陰四葉門庭之盛規重矩疊法雷 大雄唱滅宗途肇分不有單傳熟開我人巍 其實來學得以究極夫古 趣云爾 貉

普震製地轟天據獅子座四十二年被遇三 朝便蕃異數王臣順風有嚴外護大法棟梁

雲齊真身常住大慧焉依讚述虚空非愚則潭秋月散為千光非同非別徑山蒼蒼上與 一夕而推本無生滅焉有去來寂而常照碧

**惑直書具文刻此山石** 

慧文正辞佛日普照元曳端禪師語 録卷第四 **元曳端禪師語** 显绿後跃

諸法無法體所說惟是心不見於自心而 於分別今觀徑山元叟禪師四會語一一從 自己胷中流出其妙用也如鼓百萬雄兵於 **遠塞蔑有當其鋒者其方便也如聚珍怪百** 起

> 在大慧云如將福州名品荔枝剥了皮去了物於通衛至者隨所探焉收放縱橫得大自 得大慧五葉之正傳能大其家世者也其有 核送在你口裏自是你嚥不下以此知禪師 未得魚兔者當勿忘於筌第至正癸未上元

日妙道敬題于竹山閒檐時年八十七矣

赛鋤也入 蛻 文. 弱切也藏所内 电事 梯解切 也音 也 小鹏切杜 蛇 人切音分諤 又音駁切塞遊 當帖草音諤各 也帖 似題 直切 差續 稻碳言音 遊資而草瓶噩 成昔實下 戢 也切细薄切侧 續音 暴 谐入

四五三

綐

能